



Estájiu Profissionais promove bolseirus graduadus hodi asesu ba merkadu traballu

Lia Menon



Sr. Longinhos dos Santos M.M

Ministro do Ensino Superior,
Ciência e Cultura - MESCC

Dala-uluk hau agradese ba servisu Fundo de Desenvolvimento do Capital Humano (FDCH) nian neê konsege atinji ona ezekeusaun orsamentu neêbé haktuir iha programa prinsipál haat neêbé FDCH iha hanesan Formasaun Profisionál, Formasaun Téknika, Bolsa-Estudu no Tipu Formasaun Seluk.

Hanesan ha'u nia lia-menon iha bulletin trimester daruak katak atu responde preokupasaun públiku nian konabá impaktu husi implementasaun fundu, liu-liu ba beneficiárius programa bolsa-estudu nian hafoin gradua tiha sira nia estudu. Hau akompaña katak FDCH komesa implementa ona programa ida-neê (Estájiu Profisionál) hodi lori ita nian graduadus Timoroan sira ba merkadu traballu hanesan ba iha instituisaun públika no privada balun tantu nasional ka internacional neêbé eziste iha Timor-Leste.

Hau enkoraja nafatin FDCH atu kontinua servisu maka'as hodi buka tuir ita nia maluk Timoroan sira neêbé estadu benefisia ona, atu nunê sira labele lakon oportunidade atu kontribui ba desenvolvimentu nasaun nian liuhusi sira nia matenek neêbé iha.

Hau mós akompaña katak FDCH hahú halo ona koordenasaun ho instituisaun governu balun neêbé trata ba asuntos grupu vulneravel no kbiit laek sira inklui asuntos veteranus. Hein katak rezultadu husi koordenasaun refere, FDCH bele halo ona planu orsamentu ba tinan oin konabá atribuisaun bolsa-estudu ba sira neêbé hau temi ona iha leten inkluidu timoroan sira neêbé hetan notas ka dezempeñu akadémiku diak. Tanba iha VIII Governu liuhusi MESCC kompremete atu kontinua aseguara polítika hodi dezenvolve diak liután rekursus umanus timoroan sira hodi responde ba kapasitasaun pesoál iha intituisaun estadu, setór privadu no kontinua kapasita joven sira atu hetan servisu iha rai-laran nomós rai-liur, ho espetativa katak to'o iha Governu nia mandatu bele kria ona empregue ba foinsa'e sira.

Molok atu remata, hau husu atu reforsa liután koordenasaun servisu entre FDCH ho Liña Ministeriais no Instituisaun Estadu Akreditadu sira, nunê bele hadia diak liután ezekeusaun planu, programa no orsamentu iha FDCH, tanba liuhusi ezekeusaun neêbé diak mak sai sasukat ba ita atu defini planu ba orsamentu 2020 nian.

Ikus liu, hau fó hanoin nafatin ba dirijentes atu tau-matan ba funsionárius sira ninia disiplina servisu no nafatin hadia bebeik dezenpeñu servisu, nunê bele kontribui hasa'e efetividade no efikásia iha ita-boot sira nia servisu hodi bele lori progresu instituisaun nian ba oin.

Obrigado

Longinhos dos Santos. M.M
Ministro do Ensino Superior, Ciência e Cultura

Lia Menon



Sr. Isménio M. da Silva
Secretário Executivo do
FDCH - MESCC

Iha trimestre datoluk neê Secretariado Técnico do Fundo de Desenvolvimento do Capital Humano (ST-FDCH) neêbé tuteladu ba Ministério do Ensino Superior Ciência e Cultura (MESCC) kontinua fó prioridade ba programa dezvoltimentu rekursus umanus haktuir orientasaun husi S.E. Ministru MESCC neêbé hatuun lia mai atu bele hadia liután qualidade ezekeusaun planu, programa no orsamentu iha Desenvolvimento kapitál umanu nian.

Tan neê atu atinji prioridade sira, FDCH halo ona koordinasaun ho Liña Ministeriais no instituisaun estadu akreditadu sira hodi ko'alia konabá planu formasaun inklui bolsa-estudu ba tinan oin (2020). Alende koordena planu no prioridade ba tinan oin, FDCH mós buka hatene dezafius no obtáklus neêbé sira infrenta durante neê, liuliu konabá sistema formasaun, bolsa-estudu inklui pagamentu sira.

Relasiona ho programa atribuisaun bolsa-estudu ba kombatentes no veteranus nia oan sira, FDCH halo mós koordinasaun ho Secretário de Estado para os Assuntos dos Combatentes da Libertação Nacional (SEACLN) atu bele hetan informasaun konabá dados kombatentes no veteranus sira, nunêe FDCH bele prepara planu orsamentu ba tinan oin mai.

FDCH mós kontinua nafatin hala'ò Programa Estájiu Profisionál (PEP) hodi buka tuir graduadus Timoroan sira finansiadu husi estadu neêbé agora daudaun seidauk servisu atu sira bele ba tuir Estájiu Profisional iha instituisaun públiku balun neêbé FDCH aproxima ona molok koloka sira ba fatin refere.

Durante trimestre datoluk neê FDCH konsege lori graduadus hamutuk ema 124 ba servisu nuudar estajiáriu iha instituisaun sira governu nian inklui Parlamentu Nasional no agora daudaun programa neê kontinua la'ò hela.

Aproveita mós ho biban ida-neê hau hakarak agradese ba Sua Exelência Membrus VIII Governu, Destintus Deputadus no Diretores iha Ministériu ida-idak neêbé hatudu ona apoiu no kooperasaun diak ba programa ida-neê (Estájiu Profisional). Hein katak alin estajiárius sira bele “ganha” esperiênsia lubuk ida husi fatin neêbé sira servisu ba, nunêe bele kompete iha merkadu traballu hodi dezvoltolve nasaun Timor-Leste ba oin.

Ikus liu hau la haluha fó apresiasaun ba ekipa DEMEREP (Departamento da Média e das Relações Públicas) husi Gabinete de Gestão do Sistema de Informação (GAGESI) nian neêbé hatudu ona servisu makaas hodi finaliza boletín edisaun 18 neê tuir duni tempu determinadu, nunêe bele divulga nafatin informasaun ba públiku konabá atividades no servisu FDCH nian atu dezvoltolve rekursus umanus iha nasaun neêbé ita hotu-hotu hadomi neê. Hakuak boot ba imi hotu.

Obrigado.

Isménio Martins da Silva
Secretário Executivo FDCH-MESCC

2. Lia Menon Ministru MESCC
3. Lia Menon Sekretáriu Ezekutivu FDCH
4. Editoriál
5. FDCH Hasoru Komandu PNTL
6. FDCH atribui \$ 50 mill ba ANATL
14. Reportajen Atividades FDCH
18. Relatóriu Ezekusaun Orsamentu
19. Liñas Ministeriais Akreditadus
20. Revista Universidade
26. Lensa FDCH
34. Perfil FDCH

Responsável Jerál :

Ismenio Martins da Silva, Sekretáriu Ezekutivu
FDCH

Responsável Gabinete Jestaun Sistema Informasaun
Henrique do Rosario (Koordenador GAGESI)

Responsável Redasaun:

Atanasio Soares (Chefe Departamentu Interino
Media no Relasaun Públika)

Editor : **Maxi Boavida & Joanico D. Guterres**

Editor Textu : **Joanico D. Guterres**

Jornalista & Fotógrafu : **Joanico D. Guterres,**

Atanasio Soares, Maxi Boavida, Rui A.F. da Silva

Grafismu & Layout : **Maxi Boavida**

Secretariado Técnico

Fundo de Desenvolvimento do Capital Humano
(FDCH)

Eis Edifício do MF Edifício 5, 10 Andar, Palácio
do Governo,

Dili, Timor-Leste . Telefone +670

3310289/3310624 (Ext.113)

website: www.fdch.gov.tl

email: info@fdch.gov.tl

BOLETIM TRIMESTRAL DO FDCH

PROPRIEDADE:

Secretariado Técnico do

Fundo de Desenvolvimento do Capital Humano (FDCH)

IMPRESSÃO: Grafica Nacional.Lda

Taibessi, Lahane Oriental. Dili, Timor-Leste

TIRAGEM: 700 Exemplares

EDIÇÃO: Julho -Setembro de 2019

DIREITO DE AUTOR: Protegido

PUBLICAÇÃO:

Secretariado Técnico do FDCH

Lê'e na'in Bulletin Fundo de Desenvolvimento do Capital Humano (FDCH) ne'ebé ami hahí, ita foin ultrapasa daudaun komemorasaun tinan 20 Konsulta Popular 30 de Agostu 1999-2019, hein katak ho komemorasaun loron importante ne'ebé determina ita nia nasaun hamriik hanesan nasaun soberanu ida iha mundu ne'e, bele lori inspirasaun foun ba ita hotu hodi bele servisu maka'as liután hodi kontribui ba desenvolvimento nasaun nian.

Nasaun ida atu atinje ninia sustentabilidade no prosperu, rekursus umanus nudár pillar ida importante tebes ho nunêe, papél FDCH hola parte importante ida hodi kontinua koordena planu ho liña ministeriál no instituisaun autónoma estadu sira hodi forma timoroan sira ho qualidade no bele korresponde ba desenvolvimento ita nia nasaun nian.

Ho kompeténsia ne'ebé atribui mai FDCH, FDCH kontinua mantein koordena planu no programa ida ne'ebé di'ak liután ho órgaun akreditadu sira hotu hodi jere no finansia programa desenvolvimento rekursus umanus ho transparénsia nunêe bele fó benefísiu ba Timoroan tomak.

Alende ne'e iha bulletin edisaun ne'e, redasaun prepara mós informasaun importante sira hanesan, Promove Estájiu Profisionál Hodi Lori Bolseirus Graduadus Asesu ba Merkadu Servisu, FDCH Hasoru Komandu PNTL Haforsa Kapasitasaun Rekursus Umanus Iha Area Seguransa, FDCH Sei Asegura Programa Sekretária Estadu ba Protesaun Sivil no informasaun importante seluk tan ne'ebé halibur ona iha bulletin edisaun ne'e nian.

Aproveita momentu ida ne'e FDCH hakarak mós hatoo mós Parabéns ba ita tomak ne'ebé komemora loron Konsulta Popular ba dala 20 no la haluha agradese mós ba lee na'in sira ne'ebé konsege fó ona minutu balun hodi lee informasaun ne'ebé divulga hosi Bulletin Trimestral FDCH nian.

Redasaun mós hakarak hatoo agradese ba parte hotu iha sekretariadu FDCH ne'ebé kontribui ona ba informasaun hirak ne'e. Ikus liu Bulletin FDCH volume XVIII ne'e nafatin hanesan meius alternativu ida hodi halo komunikaun entre parte competente no hanesan meius ida hodi hatoo progresu no dezafiu servisu FDCH nian. Nudár umanu, redasaun rekoñese katak bulletin ne'e sei dook hosi perfeitu no agradese tebes ba kritika no sujestaun ne'ebé mai hosi lee na'in sira. Obrigado Barak.



FDCH Hasoru Komandu PNTL Hafórsa Kapasitasaun Rekursus Umanus Iha Area Seguransa

Atu haforsa rekursus umanus iha Polisia Nasionál Timor-Leste (PNTL) nian, Fundu de Desenvolvimento do Capital Humano (FDCH) kontinua tau prioridade hodi investe maka's orsamentu iha area Formasaun Profisionál no Bolsa Estudo hodi bele hasa'e liután qualidade rekursus umanus iha area oin-oin liga ba iha setór seguransa nian.

Iha estadu de direitu demokrátiku, PNTL nu'udar instituisaun estadu nian ida ne'ebé ho ninia knaar importante tebes iha area seguransa nian nunee, presiza tebes rekursus umanus ne'ebé ho qualidade no abilidade aas.

Tanba ne'e atu koordena planu no ezekusaun orsamentu iha area rekursus umanus nian iha PNTL, Sekretária Ezeutiva Fundo de Desenvolvimento do Capital Humano (FDCH) Interina Sra. Leila Carceres dos Santos akompaña hosi koordinadór GAPEFIV Sr. Filomeno Lay no Xefe Departamentu DEPPEFIV Sra. Maria Rosa Pinto halo enkontru ida ho Komandante Jerál Polisia Nasionál Timor-Leste (PNTL) Komisáriu Sr. Faustino da Costa iha Kuartél Jerál, Caicoli, 05/07/2019.

Enkontru ne'e ho objetivu atu fahe informasaun kona-ba prosedimentu no lala'ok sira oinsá atu respondeba programa adisionál sira no koordena mós ezekusaun planu programa PNTL nian iha parte dezvoltamentu Rekursus Umanus iha área formasaun no bolsa-estudu tinan 2019 no planu programa ba dezvoltamentu rekursus umanus PNTL nian iha tinan 2020.

Iha introdusaun Sekretária ezeutiva Fundo de Desenvolvimento do Capital Humano (FDCH) Interina Sra. Leila Carceres dos Santos agradese ba oportunidade ne'e hodi hasoru malu ho estrutura foun PNTL nian, no informa mós ba komandu PNTL katak Sekretáriu Ezeutivu FDCH Sr. Isménio Martins da Silva labele hola parte iha enkontru ne'e tanba partisipa hela formasaun iha estranjeiru.

Enkontru ne'e nudár enkontru dahuluk ne'ebé FDCH halo ho Komandante PNTL Komisáriu Sr. Faustino da Costa ho ninia estrutura foun, hafoin hetan tiha tomada de pose hodi lidera instituisaun estadu ne'e iha fulan hirak liubá nunee, liuhosi enkontru ne'e bele lori esperansa foun ba parte rua atu kolabora ho di'ak liután hodi haforsa rekursus umanus PNTL.

Komandante PNTL Komisáriu Sr. Faustino da Costa apresia ho disponibilidade FDCH nian no kooperasaun di'ak durante ne'e hodi fahe informasaun kona-ba prosedimentu sira ne'ebé ohin loron iha no sei koopera di'ak liután ho FDCH hodi haree ba programa formasaun profisionál no bolsa estudo ba membru PNTL sira ne'ebé hala'ok iha rai laran no estranjeiru. Komandu PNTL ne'e informa mós iha tempu besik PNTL sei halo mós renovasaun ba akordu kooperasaun ho instituisaun forneseidór formasaun sira tanba haree ba akordu sira ne'ebé estabese besik termina ona. Komandu PNTL informa durante ne'e membru PNTL sira hala'ok sira nia estudo no formasaun iha nasaun sira hanesan Xina, Australia, Indonesia no nasaun seluk-tan.

Tuir planu iha tempu besik sei haruka mós membru PNTL sira ba tuir formasaun iha estranjeiru, iha area formasaun utilizaun asu ne'ebé sei hala'ok iha Australia. Alende ne'e PNTL mós planeia atu lori formadór sira hosi Indonesia atu mai fó formasaun ba membru PNTL iha area múzika nian no treinamentu oinsá uza pedang. FDCH prontu no kontinua servisu hamutuk di'ak liután ho PNTL hodi asegura programa sira ne'ebé iha hodi haforsa liután rekursus umanus iha area seguransa nian. Entretantu koordinadór Gabinete do Plano Pesquisa Fiscalização e Verificação (GAPEFIV-FDCH) Sr. Filomeno Lay husu ba parte PNTL atu prepara di'ak liután kalendáriu ezeekusaun tuir planu iha livru 6 Orsamentu Jeral Estadu no proposta sira tenke submete ho sedu mai iha ST-FDCH no husu mós ba PNTL atu hahú prepara planu orsamentu PNTL nian ba 2020 liga ho prioridade instituisaun nian. Entretantu PNTL nudár instituisaun estadu ne'ebé akreditadu iha FDCH, iha tinan 2019 ho orsamentu hamutuk \$300.000.00 ne'ebé sei finansia ba programa formasaun hamutuk 15. (Media FDCH)





FDCH Sei Asegura Programa Sekretária Estadu ba Protesaun Sivíl

Servisu protesaun sivíl nian importante tebes iha públiku nunê presiza tebes kapasitasaun neêbé ho espesífiku ba funsionáriu sira hodi hadi'a liután sira ninia kapasidade no abilidade servisu nian.

Iha loron 24/07/2019 Sekretáriu Ezekutivu Fundo de Desenvolvimento do Capital Humano (FDCH) Sr. Isménio Martins da Silva akompaña hosi Xefe Departamentu Peskiza Sr. Hermengildo da Silva halo enkontru ida ho Sekretáriu Estadu ba Protesaun Sivíl S.E. Sr. Alexandrino Xavier Araújo ho Diretor Jeral Servisu Operasaional no Protesaun Sivíl Sr. Ismael da Costa Babo iha Gabinete Sekretáriu Estadu nian iha Caicoli.

Objetivu enkontru neê hodi koordena planu programa no ko'alia mós kona-bá possibilidade oinsá atu aloka ketak orsamentu kona-ba kapasitasaun no formasaun nian ba servisu protesaun sivíl tanba ohin loron orsamentu sei konsentra hamutuk iha Ministériu Interior.

Sekretáriu Ezekutivu FDCH Sr. Isménio Martins da Silva hatete servisu protesaun sivíl nian importante tebes iha públiku tanba neê presiza koloka ninia orsamentu rasik hodi bele foku iha área formasaun no kapasitasaun neêbé ho espesífiku ba funsionáriu sira.

Entretantu Sekretáriu Estadu Protesaun Sivíl S.E. Sr. Alexandrino Xavier Araújo apresia ho prezensa Sekretariu Ezekutivu FDCH nian hodi ko'alia kona-ba programa formasaun ba funsionáriu sira.

“Ha'u husu para 2020 ami nia osan tau ketak no ha'u kontente tebes rona Sr. Sekretáriu Ezekutivu husu atu ami prepara

planu atu hatoo ba FDCH,” hatete Sr. Alexandrino Xavier Araujo

Sekretáriu Estadu neê informa mós programa prioridade iha ninia mandatu iha haat hanesan (1.Estabelesimentu Enkuadramentu legal, (2. Dezenvolvimentu Infraestrutura, (3.Estabelese kooperasaun ho Instituisaun relevantes no (4. Formasaun Espesífiku ba protesaun Sivíl.

Tuir planu iha tinan neê sei halo mós rekrutamentu ba kadetes Bombeirus hamutuk na'in 60, hafoin halo Rekrutamentu sei iha mós formasaun durante fulan tolu ba kadetes foun sira. Hafoin rona tiha esplikasaun hirak neê Sekretáriu Ezekutivu FDCH Sr. Isménio Martins da Silva hatete FDCH prontu atu asegura programa sira neêbé iha hodi kapasita di'ak liután funsionáriu protesaun sivíl sira.

Sekretariu Ezekutivu sujere mós ba Sekretariu Estadu Protesaun Sivíl atu tau iha planu hodi harii mós sentru formasaun rasik nuneê bele habelar liután servisu protesaun sivíl nian ba públiku.(Media FDCH)





FDCH-Telkomcel Asina MdE Hodi Kapasita Funsionáriu

Iha loron, 02/08/2019 marka istória foun ida ba Sekretáriadu Tékniku Fundo de Desenvolvimento do Capital Humano (ST-FDCH) hodi estabelese Memorandum de Entedimentu (MdE) ho kompañia telekomunikaun Telkomcel hodi fó oportunidade ba funsionáriu sira neêbé haknaar-aan iha ST-FDCH atu ba tuir formasaun iha rai Indonesia iha area oin-oin.

MdE neê rasik asina direita hosi Sekretáriu Ezekutivu Fundo de Desenvolvimento do Capital Humano (FDCH) Sr. Isménio Martins da Silva ho Diretór Ezekutivu Telkomcel Yogi R. Bahar iha edifisiu FDCH, iha Palacio do Governu.

MdE neêbé asina ho objetivu hodi hametin kooperasaun no servisu hamutuk entre FDCH ho Telkomcel liu-liu iha area formasaun nian hodi fó kapasitasaun hodi haforsa liután kapasidade no abilidade funsionáriu sira neêbé halaõ knaar iha Sekretariadu Tékniku FDCH.

Sekretáriu Ezekutivu FDCH Sr. Isménio Martins da Silva hatete hafoin estabelese tiha MoU neê iha tempu besik sei loke dalan ba funsionáriu sira neêbé halaõ knaar iha Sekretáriadu Tékniku FDCH hodi ba tuir formasaun iha Telkom Corporate University (Telkom Corpu) iha Indonesia. FDCH hili servisu hamutuk ho Telkomcel tanba formasaun neêbé fornese hosi Telkom Corporate University ho sertifikadu internasionál no partisipante ida bainhira remata ninia formasaun nia sei simu título foun no sertifikadu neêbé simu ho standar internasionál.

Diretór Ezekutivu Telkomcel Yogi R. Bahar agradese ba konfiansa neêbé FDCH atribui no konsidera mós momentu ida neê hanesan momentu istóriu ida ba Telkomcel ho FDCH. “Formasaun neêbé sei halaõ nudár formasaun ida neêbé importante tanba ninia finalidade neê iha koñesimentu di’ak no iha mós título standar internasionál ninian,” hatete Diretór Ezekutivu Telkomcel Yogi R. Bahar.

Diretór neê afirma Telkomcel ninia prezensa iha Timor-Leste fó mós importánsia ba deenvolvimentu rekursus umanus, no ohin loron kuaze timoroan neêbé servisu iha Telkomcel barak mak okupa pozisaun di’ak iha kompañia telekomunikasaun neê.

Entretantu partisipa mós iha serimónia asina MdE neê Ase-sora no Jurista, Coordenadores no Xefe Departamentu sira iha FDCH. (Média FDCH)



FDCH Atribui \$50 mil ba ANATL, Prepara Timoroan Servisu Iha Area Transporte Aérea



Prepara timoroan sira hodi servisu iha odamatan boot nasaun nian hanesan aeroportu, Fundo de Desenvolvimento Capital Humano (FDCH) iha tinan ne'e atribui orsamentu hamutuk \$50 mill ba Aeroportu no Navegasaun Aérea Timor-Leste (ANATL, EP) hodi finansia programa bolsa estudo ba timoroan.

Prezidente Konsellu Administrasaun Aeroportu no Navegasaun Aérea Timor-Leste (ANATL, EP) Sr. Romualdo da Silva hatete programa bolsa estudo ANATL nian ba tinan ne'e fornese dahuluk ba timoroan na'in neen (6) ne'ebé sei ba hala'o estudu iha area tékniku nian iha Politeknik Penerbangan (Poltekbang) Surabaya-Indonesia ne'ebé antes ne'e estabesele ona akordu kooperasaun.

Bolseiru hirak ne'e ba hala'o sira nia estudu iha área tolu hanesan: (1. Air Traffic Control (ATC) bolseiru na'in (2. Airport Electricity bolseiru na'in 2 no (3. Airport Engineering bolseiru na'in 2. ho nivel Diploma Três (D3).

Sekretáriu Ezekutivu Fundo de Desenvolvimento do Capital Humano (FDCH) Sr. Isménio Martins da Silva hatete programa investimentu ba rekursus umanus iha area transporte ne'e importante hodi alínea mós iha Planu Estratéjiku Dezenvolvimentu Nasionál (PEDN) ne'ebé Timor-Leste iha.

Tanba ne'e iha tinan ne'e hahú ho investimentu ba rekursus umanus iha area transporte aeréa nian no FDCH sei kontinua nafatin atu asegura oinsá atu investe mós iha preparasaun rekursus umanus iha area transporte terrestres nian.

Entretantu programa selesaun ba kandidatu bolseiru sira la'o ho rigor no transparénsia tebes no selesaun ba kandidatu sira hala'o ba faze tolu hanesan (1. Simu no selesaun dokumentus ne'ebé hala'o hosi ekipa traballu ne'ebé kompostu hosi ANATL, FDCH-MESCC, no Ezame eskrita hala'o hosi ekipa ANATL, FDCH-MESCC no Poltekbang ho tipu matéria Test Potensi Akademi (TPA) no faze ikus liu mak Entrevista ho kandidatu seleionadu sira ne'ebé halo direita hosi Poltekbang no observa hosi ANATL, FDCH-MESCC hodi garantia transparénsia.

Hafoin remata tiha prosesu selesaun iha loron 01/08/2019 delegasaun husi Administrasaun Navesgasaun Aérea Timor-Leste (ANATL) no Politeknik Penerbangan (POLTEKBANG) halo enkontru ho Sekretariu ezekutivu FDCH hodi relata prosesu sira ne'ebé hala'o ona.

Prezensa delegasaun sira ne'e atu informa relatóriu prosesu selesaun ba kandidaturas bolseirus ne'ebé hala'o ona husi ekipa tékniku inklui médiku sira husi Poltekbang rasik iha Pusat Budaya Indonesia (PBI) no Hospital Nacional Guido Valadares (HNGV) Dili foin lalais ne'e ba FDCH nudár institusaun ne'ebé finansia programa bolsu-estudu ida-ne'e. Iha relatóriu refere, ekipa Poltekbang ne'ebé lidera husi Dr. Wiwied Suryono esplika detallu prosesu selesaun sira no to'o ninia rezultadu. Hataan ba ida-ne'e Sekretáriu Ezekutivu FDCH Sr. Isménio Martins da Silva hato'o ninia apresiasaun ba ekipa sira nia servisu no salienta prosesu sira kobre ba responsabilidade ANATL ho Poltekbang, FDCH nia papél atu garantia prosesu tomak la'o ho transparénsia no profesionál. Hafoin relata tiha rezultadu ofisiál ba konkursu programa bolsa ne'e mai FDCH iha parte ANATL, FDCH ho POLTEKBANG halo konferénsia imprensa hosi fó sai ba públiku konkurrente sira ne'ebé selesionadu hamutuk na'in 6. Marka mós prezensa ba sorumutu ne'e mak Prezidente ANATL Interinu Sr. Verissimo Nai Sia, Membru C.A. ANATL Sr. Luis C. Alves, Sra. dr. Niken Mira (Poltekbang), Sr. Muti Sazali (Poltekbang), Diretor ATS/STAN ANATL Sr. José Luis da Costa inklui Koordinator sira husi FDCH Sr. Henrique do Rosário, Adérito Soares, Eusébio Barreto no Filomeno dos Santos Lay. (Media FDCH)





FDCH, CFP, INAP Deskuti Esbosu Alterasaun Dekretu Lei

Atu partilla esbosu alterasaun Dekretu Lei n.º 12/2011 konabá estatutu, knaar inklui kompetênsia FDCH nian relasiona ho forneshimentu formasaun no bolsu-estudu ho nunê mak Sekretáriu Ezekutivu Fundo de Desenvolvimento do Capital Humano (FDCH) Sr. Isménio Martins da Silva neêbé akompaña mós husi asesora jurídku ST-FDCH nian halaò sorumutu ho Prezidente Comissão Função Pública (CFP) Sr. Faustino Cardoso Gomes no Diretór-Jerál Instituição Nacional da Administração Pública (INAP) Sr. Agostinho Letêncio iha sala enkontru edifísiu CFP, Matadouro-Díli.

Sekretáriu Ezekutivu FDCH iha ninia introdusaun hatete kontiúdu esbosu alterasaun Dekretu Lei neê prevé mós limitasaun kompetênsia instituisaun nian ba formasaun funsiunáriu públiku, tanba tuir nia, durante neê FDCH prátika hela formasaun sira tantu ba funsiunáriu públiku nomós ba públiku enjeral.

Hatán ba ida-neê Prezidente CFP Sr. Faustino Cardoso Gomes hatete oinsa halo aliñamentu ho política neêbé ejiste. Tan neê atu elabora hanoin sira neêbé ikus mai sei tau iha proposta nia-laran, Prezidente CFP saliénta katak preziza

mekanizmu artikulasaun klaramente entre instituisaun relevantes sira, nunê bele hetan solusaun diak ida atu hatò pareser ba esbosu alterasaun Dekretu Lei refere inkluzivamente.

Durante sorumutu, lideransa instituisaun tolu (3) neê deskute liu konabá konteúdu sira neêbé mensiona iha artigu balun esbosu alterasaun Dekretu-Lei nia-laran. Tuir informasaun rezultadu husi enkontru refere sei hatò fali ba S.E. Ministro Ensino Superior, Ciência e Cultura (MESCC) iha tempu badak.

Antes neê Governu liuhusi Ministério Ensino Superior, Ciência e Cultura husu pareser ba parte relevantes (FDCH, CFP no INAP) ba esbosu alterasaun Dekretu-Lei n.º 12/2011 molok lori ba Konsellu Ministru atu hetan aprovasaun.

Marka prezensa iha enkontru refere mak Prezidente CFP, Sr. Faustino Cardoso Gomes, Sekretáriu Ezekutivu FDCH, Sr. Isménio Martins da Silva, Diretór-Jerál INAP Sr. Agostinho Letêncio, Komisáriu CFP no Assesor Jurídku sira husi CFP, FDCH no INAP nian. (Média FDCH)





FDCH Hatudu Prontidaun Tau Orsamentu IADE nian iha 2020

Sekretáriu Ezekutivu Fundo de Desenvolvimento do Capital Humano (FDCH) Sr. Isménio Martins da Silva halaõ enkontru ho Diretór Ezekutivu Instituto de Apoio ao Desenvolvimento Empresarial (IADE) Sr. Filomeno Marcelino Belo iha Salaun Enkontru IADE Bebora, Díli. Enkontru neê ho objetivu atu partilla no rona planu programa formasaun IADE nian ba tinan 2020. Durante enkontru parte IADE hatoõ apresentasaun ligadu ho programas prioridades ba formasaun nian mak hanesan; Boa Governasaun, Jestaun Institusional no Desenvolvementu Emprezaial neêbê iha programa sira neê konklui ona tema formasaun prioridades sira.

Hataan ba planu programa neêbê apresenta husi instiutisaun (IADE) neê, Sekretáriu Ezekutivu Fundo de Desenvolvimento do Capital Humano Sr. Isménio Martins da Silva kompremitidu katak sei tau orsamentu ba programa neêbê IADE hatoõ bazeia ba áreas prioridades. Sekretáriu Ezekutivu neê mós fó ninia sujestaun relasiona ho asuntus sistema koordensaun liga ho formasaun ba negósiu nian neêbê durante neê IADE halo. Lideransa FDCH neê sujere atu halo kooperasaun ho instituisaun balun neêbê iha programa hanesan konabá negósiu nian, nunêe ba oin tuir Sekretáriu Ezekutivu katak formasaun sira liga ho negósiu sira sei sentraliza deit iha IADE nu'udar instituisaun estadu nian.

“Haree ba programa neêbê ohin ita-boot sira hatoõ mai, husi parte FDCH prontu atu tau orsamentu ba tinan oin (2020), maibê hau sujere ita-boot sira bele halo koordensaun ho insituisuan governu balun liuliu konabá programa formasaun ba negósiu nian, nunêe formasaun sira neêbê hanesan bele mai hotu iha IADE no ida-neê para bele evita formasaun neêbê hanesan”. esplika Sekretáriu Ezekutivu FDCH.

Iha biban hanesan Diretór Ezekutivu IADE Sr. Filomeno Marcelino Belo hatoõ ninia agradesimentu ba Fundo do Desenvolvimento do Capital Humano tanba hatudu ona prontidaun atu hatama IADE nu'udar benefisiáriu FDCH nian ba tinan oin (2020).

“Ami (IADE) agredese tebes ba ita-boot nu'udar Sekretáriu Ezekutivu, tanba ohin hakat ona mai ami nia edifisiu atu rona no haree ami nia planu programa sira, neê signifika FDCH hatudu duni komitmentu atu tulun programa formasaun ami nian iha tinan oin”. Haktuir Sr. Filomeno Belo.

Marka mós prezensa iha enkontru refere Diretores no Xefe Departamentu sira IADE nian inklui Coordenador GAPPEFIV-FDCH Sr. Filomeno Lay dos Santos no Xefe Departamentu Verifikasaun GAPPEFIV Sra. Maria Rosa Pinto. (Média FDCH)



KROT Filteriza Proposta orsamentu LMs no instituisaun Estadu akreditadu sira

Komisaun Revizaun Orsamentu Tékniku (KROT) hala'o enkontru tékniku ho Linhas Ministeriais no Instituisaun estadu akreditadu sira ne'ebé asesu orsamentu mai iha Fundo de Desenvolvimento do Capital Humano (FDCH) durante loron haat ne'ebé hahú hosi loron 11-13/09, iha Salaun Lasama Ministério das Finanças, Aitarak-laran, Dili.

Francisco da Costa Pereira (Reprezenta Comissão da Função Pública - CFP) no membru sira mak hanesan tuir mai; Sr. Epifânio de Carvalho Martins (Reprezenta Ministério das Finanças - MdF), Sra. Maria Esperança (Reprezenta Secretaria Estado Igualdade e Inclusão - SEII) no Sr. Ivan Alves (Reprezenta Unidade de Planeamento, Monitorização e Avaliação - UPMA).



Enkontru intensivu ne'e realiza bazeia ba enkamiñasaun despaxu Vise Ministra no Ministra Finansas Interina, S.E. Sr. Sara Lobo Brites liuhusi Diresaun Jerál Finansas Estadu número 458/Gab.DGFE/MdF/IX/2019 atu estabelese Komite Revizaun Orsamentu Tékniku (KROT) nune'e bele facilita prosesu filterizasaun ba proposta sira ne'ebé mai husi Liña Ministeriais no instituisaun autónomu sira hamutuk neen-nulu-resin-rua (62).

Ekipa KROT kompostu husi Presidente, Sr. Isménio Martins da Silva (Reprezenta Fundo de Desenvolvimento do Capital Humano - FDCH), Vise Presidente I, Sr. Agostinho Letêncio de Deus (Reprezenta Instituto Nacional de Administração Pública - INAP), Vise Presidente II, Sr.

Enkontru tékniku ne'e hala'o hodi halo koordenasaun, verifikasaun no konfirmasaun tékniku ba propostas orsamentu LMs ho instituisaun akreditadu sira mai FDCH iha tinan 2020 liu-liu iha area dezvoltamentu rekursus umanus nian liu-hosi programa formasaun no bolsa estudu nian ne'ebé sei implemta iha tinan oin.

Tuir observasaun durante enkontru Liña Ministeriais (LMs) no Instituisaun Autónomu estadu barak mak simu pakote orsamentu husi FDCH ho razaun Orsamentu Jerál Estadu (OJE) tinan 2020 ne'ebé atribui mai FDCH menus liu kompara ho tinan kotuk, maibé husi parte seluk LMs no instituisaun estadu barak mós mak hatoo proposta adisionál relasiona ho sira nia montante pakote orsamentu husi FDCH ne'ebé menus.

Hatán ba ida-ne'e, Sekretáriu Ezekutivu FDCH aumesmu tempu nu'udar mós Presidente KROT Sr. Isménio Martins da Silva rekomenda ba proponentes atu halo justifikasaun ne'ebé profunda kona-bá programa no atividade sira ne'ebé sita ona orsamentu boot, nune'e ekipa KROT bele aprezena iha Komisaun Revizaun Orsamentu Política (KROP) semana oin mai.

Proponentes ne'ebé marka prezensa hodi hatán pergunta hosi ekipa KROT liga ho programa sira ne'ebé instituisaun ida-idak propoin ona maioria reprezenta husi Diretór Jerál, Diretores Rekursus Umanus no Xefi Departementus. (Média FDCH)



FDCH Sei Kontinua Atribui Orsamentu ba PGR iha Futuru

Sekretáriu Ezekutivu Fundo de Desenvolvimento do Capital Humano (FDCH) – MESCC, Sr. Isménio Martins da Silva realiza enkontru ho Procurador Geral da República (PGR) S.E. Dr. José Ximenes ho Diretora Jerál PGR nian, Dra. Ana Maria Pereira de Carvalho iha Gabinete Procurador Gerál nian iha Colmera. Objetivu enkontru neê hodi ko'alia kona-bá prosesu eze-kusaun no programa dezvoltamentu rekursus umanus PGR nian iha tinan 2019 no apoiu FDCH nian hodi refor-sa servisu PGR liu-liu iha kapasitasaun ba rekursus umanus. “PGR sei iha programa prinsipais balun to’o Dezemb-ru 2019 neêbé presiza nafatin apoiu FDCH nian hodi re-forsa servisu PGR nian iha tinan 2019 neê,” hatete Sek-retariu Ezekutivu FDCH Sr. Ismenio Martins da Silva. Durante enkontru Sr. Procurador Geral S.E. Dr. José Ximenes apre-sia ho kolaborasaun no kooperasaun servisu FDCH ho PGR nian neêbé la’o di’ak tebes durante neê.



PGR nudár instituisaun estadu akreditadu ida iha Fundo de Desen-volvimento do Capital Humano, iha tinan neê ho orsamentu ba programa formasaun nian hamutuk \$200.000,00 neêbé finansia ba programa formasaun hamutuk hitu (7) hanesan formasaun ba Ad-ministrasaun no Finansa, Lideransa, Brancamento Capital, Tecnolo-gia Informatica, Direitu, Formador de Tecnologia Informatica (IT) no formadór lingua Inglesa.

Ba futuro FDCH kontinua atribui orsamentu ba PGR hodi hadi’a no haforsa liutan kapasidade no koñesimentu funsionáriu sira iha PGR nian liu hosi kapasitasaun. (Media FDCH)





Sekretáriu Ezekutivu FDCH Enkontru ho Maiór Jenerál F-FDTL

Misaun Fundu de Desenvolvimento do Capital Humano (FDCH) maka oinsá atu Kontribui ba desenvimentu rekursus umanus indíviduu no organizasaun hodi apoiu estadu RDTL ho dezempeña servisu neêbé



ho kualidade haktuir prioridade sira nasaun nian, atu responde ba polítika estadu, nesiedade povu no merkadu traballu nian iha Timor-Leste” ho nuneê maka Sekretáriu Ezekutivu Fundo de Desenvolvimento do Capital Humano (FDCH) Sr. Isménio Martins da Silva halo enkontru ida ho Xefe Estadu Maiór Jenerál Falintil Forsa Defeza Timor-Leste Sr. Lere Anan Timur iha Quarlter General F-FDTL Fatuhada. Durante enkontru Sekretáriu Ezekutivu FDCH Sr. Isménio Martins da Silva ho Xefe Estadu Maiór Jenerál Falintil Forsa

Defeza Timor-Leste Sr. Lere Anan Timur ko’alia liu kona-ba programa formasaun ba membru F-FDTL hodi hadi’a liután sira ninia koñesimentu no abilidade iha setór defeza ninian. Entretantu F-FDTL nu’udar mós instituisaun estadu akreditadu ida iha Fundo de Desenvolvimento do Capital Humano neêbé ho ninia orsamentu ba programa bolsa estudu no formasaun nian iha 2019 ho montante \$ 220.000.00 . Iha futuru FDCH kontinua aseguira programa formasaun F-FDTL nian liuhosi finansiamentu hodi halo kapasitasaun ba rekursus umanus instituisaun estadu neê nian. (Media FDCH)





GABINETE DO APROVISIONAMENTO E LOGÍSTICA DO FDCH

Referência iha era-globalizasaun apresenta dadaun transparência mak kondisiona ita atu to'o iha qualidade governasaun ne'ebé diak, liuliu iha servisu akuntabilidade nian. Tan ne'e atu funsiona mákina estadu, Fundo de Desenvolvimento do Capital Humano (FDCH) nu'udar instituisaun estadu klaramente presiza nesiedade ekipamentu lojístiku atu komplementa no hasa'e dezenpeñamentu inklui qualidade servisu atu halo antedimentu públiku haktuir instituisaun ne'e (FDCH) nia knaar no kompeténsia sira ne'ebé hakerek ona iha Dekretu-Lei n.o 12/2011.

Relasiona ho importánsia servisu ne'ebé temi ona iha leten, iha VI Governasaun Ministério do Planeamento e Investimento Estratégico liuhusi Diploma Ministerial n.o 19/2017 hatuur ona GAPLO sai mós parte importante no xave ba servisu sira ligadu ho fornecimentu lojístiku nian.

Gabinete do Aprovisionamento e Logística ne'ebé habadak ho naran GAPLO nu'udar gabinete ne'ebé sai sentru ba prosesu sira liga ho aprovizionamentu no lojística iha eskritóriu Secretariado Técnico do Fundo de Desenvolvimento do Capital Humano (ST-FDCH). Haktuir natureza ST-FDCH nian ne'ebé mensiona iha Dekretu-Lei N.o 12/2011 artigo 1 alinea 2 hatete katak fundu ne'e harii atu finansia programa formasaun tinan-tinan no projetu dezenvolvimentu rekursus umanus nian inklui programa kapasitasaun formasaun ba profissionais sira iha setór estratéjiku ba dezenvolvimentu hanesan justisa, saúde, infraestrutura, agrokultura, turizmu, jestaun petrolífera no gas nomós jestaun finanseira ne'ebé atividades sira refere bele hala'o iha rai-laran ka iha rai-liur, inklui bolsa-estudu ba universidade no programa pos-graduasaun/mestrado.

Husi kondisoins sira iha leten, GAPLO foti kedas papél importante atu bele jere prosesu sira ne'ebé mensiona iha artigo refere (artigo 1) haktuir objetivus iha Dekretu-Lei n.o 10/2005 de 21 de Novembro konabá Rejime Jurídiku Aprovizionamentu

(RJA) nian atu realiza despesas ba akizisaun bens ka serviços no ezejuta servisu sira ne'ebé atu komplementar nesiedade entidades administrasaun estadu nian ho direta ka indereta inklui halo vijilánsia no registra inventáriu ba sasan sira estadu nian ne'ebé FDCH iha liuhusi ninia Departementu Lojístiku.

Molok ne'e GAPLO hahú ho naran SEAPLO (Secção Aprovisionamento e Logística) iha tinan 2016, tempu ne'ebá SEAPLO sai nu'udar seksaun ida ho ninia responsabilidade atu haree prosesu hotu liga ho pagamentus rezultantes aprovizionamentu nian no kontratu servisu ho kompañia sira. Maibé relasiona ho mudansa política no knaar inklui responsabilidade FDCH nian ne'ebé tenke akumula hotu orsamentu formasaun no bolsu-estudu sira husi liña ministeriais sira hotu, tan ne'e iha tinan 2017 bainhira Fundo de Desenvolvimento do Capital Humano bainhira FDCH sei provensiadu ba Ministério do Planeamento e Investimento Estratégico (MPIE) halo mudansa ba estruturasaun iha FDCH nia-laran liuhusi Diploma Ministerial n.o 19/2017 konabá estrutura orgánica ST-FDCH nian.

Diploma Ministerial ne'ebé vigór iha lora 3 Marsu 2017 ne'e mak halo mudansa tomak ba naran seksaun sira inklui SEAPLO. Husi ne'e mak Secção de Aprovisionamento e Logística transforma fali ba naran Gabinete do Aprovisionamento e Logística (GAPLO) ho ninia kompeténsia tomak ne'ebé mensiona iha artigo 23 (DM n.o 19/2017) katak prepara planu aprovizionamentu ST-FDCH nian, prosesa rezultantes pagamentu hotu-hotu tuir prosedimentus aprovizionamentu nian, asegura prosedimentu resepsaun no inspesaun ba bens e serviço no ida-ne'e tenke realiza molok halo pagamentu.

Gabinete do Aprovisionamento e Logística superviziona Departementu rua mak hanesan Departementu do Aprovisionamento (DEAP) no Departementu da Logística ne'ebé apoiu ba servisu tomak GAPLO nian.

Departmentu rua neê, tantu aprovizionamentu no lojística iha ninia knaar prinsipál liu mak atu aseguira servisu tomak lojística nian iha estrutura FDCH no jere patrimoniu servisu FDCH nian. Alende superviziona departementu rua neê, GAPLO mós iha responsabilidade atu koordena ho Gabinete dos Serviços de Pagamento (GASEPA) konabá prosesu sira liga ho pagamentu indereta neêbê prosesa liuhusi aprovizionamentu hanesan pagamentu ba billete aviaun, kustu forma-saun, saláriu, kustu propinas, manutensaun eskritóriu, kustu fornese-mentu alimentasaun ba forma-saun, kustu manutensaun ba veikúlus, kustu manutensaun ba AC ka eletrisidade, kustu ba formnesimentu ATK ba forma-saun, kustu manutensaun ba fotokópia no seluk-seluk tan.

Iha ezeekusaun servisu liuliu relasiona ho pagamentu, GAPLO presiza halo koordena-saun ho gabinete seluk, tanba tuir síkulu pagamentu, proposta ka pedidu sira tenke submete uluk mai Gabinete do Plano, Pesquisa, Fiscalização e da Verificação (GAPPEFIV) atu halo verifi-kasaun molok intrega ba tékniku Gabinete do Sistema de Pagamen-tu (GASEPA) atu prosesa CPV (Commitment Payment Voucher) no intrega hikas ba GAPLO atu kria dokumentus inklui PO (Purchase Order) molok submete fali ba GASEPA atu prosesa ninia pagamentu sira liuhusi Expense Voucher (EV). Koordena-saun ida-neê iha mós ninia metas própiu atu nuneê prosesamentu dokumentus bele laõ ho diak liuhusi apoiu sistema IPTS (Internal Payment Tracking System) neêbê kria husi FDCH rasik.

Haktuir responsabilidade prinsipál GAPLO nian neêbê atu prose-sa pagamentu ba kontratu parseiru sira, tan neê molok atu finaliza pagamentu sira, presiza laõ tuir uluk metas sira mak hanesan; katak bainhira liña ministeriais ka parseiru kontratu sira halo submisaun dokumentus mai FDCH, husi parte Front Office (FO-GAPPEFIV) sei halo uluk verifika-saun ho intensaun atu verifika loloos rekeztus sira tuir duni ninia padraun, hafoin neê mak ekipa refere halo rejistrasaun dokumentus inklui ninia número rejistu ba sistema IPTS. Liu tiha prosedimentu iha GAPPEFIV, dokumentus refere tenke envia ona ba Gabinete Aprovisionamento e Logística (GAPLO) atu prosesa liuhusi rejistrasaun ba sistema IPTS ikus mai haruka ba GASEPA atu nuneê bele envia ona ba Ministériu Finansas atu halo pagamentus depende ba ejijénsia valóres orsamentu husi dokumentus refere.


Aprovizionamentu nuudar prosesu atividade atu atende nesidades no fornese-mentu bens ka servisu atu halo kontratu ka sosa direta ho objetivu atu atende nesidades negósiu nian. Sistema aprovizion-a-mentu bele mós influensa prosesu tomak merkaduria nian tanba nia mak parte importante los iha prosesu ida-neê. Alende neê aprovizion-amentu mós mak orgaun ida atu apresenta proposta konabá presu sira no kompra empregus atu halo fornese-mentu ba bens ka servisu. Iha neê mak ita bele temi katak iha intereses husi parte rua. Parte dahuluk klaru tenke mai husi governu, orgaun estadu ka setores privadu sira neêbê oferese akizisaun ba bens servisu no parte daruak mak kontra-tores sira neêbê pruntu atu halo fornese-mentu konabá demanda ba bens ou serviços.

Prátikamente servisu aprovizionamentu komplexu tebe-tebes tan-ba tenke envolve kontratores hotu-hotu tuir mai ho ninia regras sira. Maibé fila fali ba kompeténsia bazeia ba artigu 23 Diploma Ministeriál N.º 19/2017, estatística hatudu katak durante neê GAPLO halaõ ona ninia servisu ho diak hodi garante taxa ezeekusaun orsamentu FDCH nian kada tinan.

Orgullu boot ba sira (ekipa GAPLO) hanesan Sr. Eusébio Bar-

reto (Koordenador), Domingos Fernandes (Xefe Departementu Aprovizionamentu), Sr. Domingos da Costa (Xefe Departemtnu Lo-jística) ho membru Isidoro de Vasconcelho, Adriana Xavier, Rogério Lay, Marcelina Soares, Flávia Fernandes no Januario Fernandes neêbê halaõ ona sira nia servisu ho espéritu profesionalismu nian, nuneê hatudu ona sira nia kapasidade hodi aseguira finansiametu ba inves-timentu públiku ba dezentvolvimentu rekursus umanus haktuir artigu 2 (a) Dekretu Lei N.º 12/2011 konabá regulementu Fundo de Desen-volvimento do Capital Humano.

Hein katak ho kapasidade forte neêbê ekipa GAPLO iha bele hasa'e liutan kualidade ba servisu atendimentu nian ho diak liutan ba timo-roan sira hotu.





Estájiu Profissionais

Promove Bolseirus Graduados Hodi Asesu Ba Merkadu Traballu

Fundo de Desenvolvimento do Capital Humano (FDCH) harii ho objetivu prinsipál mak atu desenvolve planu rekursu umanu nasionál hodi suporta ba desenvolvimentu nasionál iha area oin-oin, ho nune'e hosi kedas harii, fundu ho ninia programa prinsipál iha area formasaun no bolsa estudo ne'ebé atribui ba funcionáriu públiku no públiku timoroan sira.

Hahú hosi 2011 iha fundu ninia ezistencia to'o ohin lora númeru beneficiariu ba programa bolsa estudo ne'e rasik hamutuk 5.117 ne'ebé hala'o sira ninia estudo iha nasaun oin-oin, hosi númeru ne'ebé temi ohin lora kuaze porsentu 70% mak termina ona sira ninia estudo no hela porsentu 30% mak sei ativu tuir dadus FDCH nian. Bolseiru hirak ne'e remata sira nia estudo fila mai kuaze porsentu 80% mak hetan ona servisu no 10% kria servisu ba sira nia-an rasik no 10% seluk mak seidak hetan servisu no buka hela servisu, no hosi bolseiru graduados ne'ebé seidak hetan servisu ne'e maioria mai hosi programa bolsa estudo ne'ebé fornese ba públiku timoroan sira. Ho nune'e haktuir Giaun bolsa Estudo no Giaun Formasaun ne'ebé aprova hosi Konsellu Ministru iha lora 23 Agostu 2016 define katak bainhira bolseirus remata ona sira nia estudo ka kursu permite katak bolseirus tenke iha prátika mínima antes hahú servisu, bolseirus iha direitu tuir estájiu másimu fulan neen (6) iha instituisaun ida ne'ebé relasiona ho nia área estudo. Haree ba preokupasaun bolseirus graduados ne'ebé fila mai seidak konsege hetan servisu Sekretariadu Tékniku Fundo de Desenvolvimento do Capital Humano (ST-FDCH), hetan mandatu hosi Ministru Ensinu Superior Ciênsia e Cultura (MES-CC) S.E. Sr. Longuinhos dos Santos, MM. hodi organiza programa Estájiu Profissionais nun'e bele koloka bolseirus grad-

uadus ba estájiu hodi ganha esperiéncia no asesu ba merkadu servisu hafoin remata tiha sira ninia estudu. Iha faze dahuluk, iha tinan neê (2019) ST-FDCH konsege halibur bolseirus graduadus hamutuk 132 neêbé remata sira nia estudu hosi nasaun oin-oin neêbé fila mai seidauk hetan servisu hodi entegra sira iha progama estájiu profissionais neêbé foin ba dala uluk governu liuhosi FDCH organiza ba bolseirus graduadus hodi lori sira asesu ba merkadu traballu iha setór publiku no privado sira. Programa Estájiu Profissionais neê ho durasaun fulan tolu to'o fulan neen (3-6), durante estájiu, sei iha subsídiu ida neêbé ST-FDCH sei atribui ba estajiáriu sira neêbé la'ós saláriu, maibe hodi troka deit kustu transporte no hahan nian durante estajiáriu sira ba aprende no kontribui durante servisu iha instituisaun neêbé akomoda sira no Empregador sira sei la hasai osan ba estajiáriu sira. Ho nunêe iha loron 4/10/2019 Ministério Ensino Superior, Ciência e Cultura (MESCC) liuhusi Fundo de Desenvolvimento do Capital Humano (FDCH) halo lansamentu programa Estájiu Profisional ba bolseirus graduadus neêbé finansiadu husi FDCH iha salaun Ministério Solidaridade Social e Inclusão (MSSI). Programa neê ofisialmente lansa husi Diretora Jerál Ministério Ensino Superior, Ciência e Cultura Sra. Maria Filomena Lay Guterres neêbé representa Ministru MESCC no akompaña husi Secretário Executivo do FDCH Sr. Isménio Martins da Silva, Reitor Universidade Nacional Timor Lorosaê (UNTL) Profesor Doutor Francisco Miguel Martins no diretores hosi instituisaun estadu sira neêbé simu ona estajiáriu sira. Iha ninia diskursu representante Ministru MESCC neê hatete VIII Governu liuhusi MESCC fó importáncia ba dezvoltamentu rekursus umanus, tanba tuir nia rekursus umanus mak determina kontribuisaun ba prosesu dezvoltamentu tomak iha rai ida-neê. Iha biban hanesan Diretor Apoio Parlamentar Parlamentu Nasional Sr. Joaquim Afonso iha ninia sasin hato'o katak estajiarius neêbé kolokadu ba Sekretariadu Parlamentu Nasional iha abilidade no kapasidade diak hodi halo servisu, tan neê nia agradece ba FDCH tanba bele prodús rekursus umanus timoroan ho kualidade diak tebetebes. Tuir nia durante neê FDCH nia valor apoiu la saugati no la mamuk atu dezvoltave rekursus umanus iha Timor-Leste. Reitor Universidade Nacional Timor Lorosaê (UNTL) Profesor Doutor Francisco Miguel Martins neêbé sai mós sasin iha serimonia neê hato'o ninia agradesimentu ba FDCH tanba tuir nia ho programa estájiu profisional ida-neê UNTL hetan tan rekursus umanus kualifikadu hamutuk ema 18 neêbé destaka iha Faculdade sira iha UNTL.

Enkuantu Secretário Executivo do FDCH Sr. Isménio Martins da Silva iha ninia diskursu ba abertura hatete katak fundamentu husi programa estájiu profisional neê mak oinsa bele lori bolseirus graduadus sira neêbé seidauk hetan servisu tama ba merkadu traballu tuir sira nia área estudu. Lideransa FDCH neê aumenta tan katak kontribuisaun mai husi oportunidade, tan neê FDCH sei esforsu án nafatin atu loke oportunidade ba bolseirus graduadus sira atu kontribui ba dezvoltamentu nasional. “Ema hotu-hotu moris iha objetivu atu halo vida neê bele sai util, saida mak bele halo util mak kontribuisaun no atu kontribui ita tenke iha oportunidade di'ak, oportunidade mak servisu,” Tenik Sr. Isménio. Alende neê objetivu prinsipál husi programa neê mak atu lori graduadus sira ba iha merkadu traballu hodi bele manán esperiéncia no aplika matenek neêbé sira iha, nunêe bele harii konfiansa ba sira nia án nomós hametin relasaun entre graduadus ho empregador sira. Molok taka ninia diskursu Sekretáriu Ezekutivu salienta liután katak programa estájiu profisional la'ós foin mak akontese iha Timor-Leste maibé nasaun hotu-hotu aplika mós programa hanesan, tanba tuir nia programa estájiu profisional mak nu'udar dalan atu halo ema bele hetan servisu lalais. Tuir dadus, bolseirus graduadus neê barak liu mai husi nasaun sira ko'alia lian Inglés no Portugés neêbé namkari iha mundu tomak inklui Indonesia no agora daudaun kolokadu ba instituisaun sira mensiona hamutuk 132 estajiarius. Atu aumenta número ida-neê MESCC liuhusi FDCH sei esforsu nafatin halo koordenasaun ho institusaun sira oinsá bele akomoda bolseirus graduadus neêbé seidauk hetan servisu hodi bele involve sira nia -án mós iha merkadu traballu no programa neê sei realiza kada tinan. (Média FDCH)



Relatório Taxa Execução Orçamento FDCH 2019

Tabela no 1 Taxa Execução Trimestre I 2019

| Kode | Tipu Programa | Total Orçamento Atual (USD) | Total Despesa (USD) | Total Balanço (USD) | Porcentagem (%) |
|-----------------|-----------------------|-----------------------------|---------------------|---------------------|-----------------|
| 304 | Formação Profissional | 2,734,550.00 | 2,549,566.10 | 184,983.90 | 93% |
| 313 | Formação Técnica | 6,389,875.20 | 2,711,330.70 | 3,678,544.50 | 42% |
| 314 | Bolsa Estudo | 8,704,648.00 | 5,257,140.18 | 3,447,507.82 | 60% |
| 315 | Tipu Formação Seluk | 2,170,926.80 | 1,448,599.28 | 722,327.52 | 67% |
| Total Orçamento | | 20,000,000.00 | 11,966,636.26 | 8,033,363.74 | 60% |

Observando a tabela 1º é possível verificar, através dos dados, que a taxa de execução (despesa) do total do orçamento foi de USD 726,819.72 distribuída em 4 programas, ou seja: programa formação profissional com um total de USD 400.00 ou 0% (porcentagem); Formação Técnica com um total de USD 108,922.50 correspondente a 2%; Bolsa Estudo com um total de USD 166,665.52 correspondente a 2%; e Tipu Formação Seluk com um total de USD 450,831.70 correspondente a 21%.

Tabela no 2 Total Beneficiário do Programa Principal 4 FDCH

| Kode | Programa Sira | Total Orçamento Atual (USD) | Total Orçamento Despesas (USD) | Número Total Beneficiário |
|--------------|-----------------------|-----------------------------|--------------------------------|---------------------------|
| 304 | Formação Profissional | 2,734,550.00 | 400.00 | 1 |
| 313 | Formação Técnica | 6,389,875.20 | 108,922.50 | 55 |
| 314 | Bolsa Estudo | 8,704,648.00 | 166,665.52 | 160 |
| 315 | Tipu Formação seluk | 2,170,926.80 | 450,831.70 | 81 |
| Número Total | | 20,000,000.00 | 726,819.72 | 297* |

*Nota: Número de beneficiários é a soma dos dados de cada programa, ou seja, direta e indireta. Observando a tabela 2 é possível verificar, através dos dados, que a taxa de execução do orçamento foi de USD 726,819.72 distribuída em 4 programas, ou seja: programa formação profissional com um montante de USD 400.00; número de beneficiários é de 1; Formação Técnica com um montante de USD 108,922.50 e número de beneficiários é de 55; Bolsa Estudo com um montante de USD 166,665.52 e número de beneficiários é de 160; e Tipu Formação Seluk com um montante de USD 450,831.70 e número de beneficiários é de 81.

LIÑA MINISTERIAL AKREDITADU IHA FDCH DURANTE TINAN 2019

Tinan fiskal 2019, Instituisaun akreditadus iha ST-FDCH liuhosi Konsellu Administrasaun kontinua aumenta hó número total 63, Inklui ona Secretário Técnico do FDCH. Tuir mai lista tabela apresenta hó kompletu Instituisaun sira tuir mai ne'e :

| | |
|-----|--|
| 1. | Administração de Aeroportos e Navegação Aérea (ANATL) |
| 2. | Administração dos Portos de Timor-Leste (APORTIL) |
| 3. | Agência de Investigação e Fiscalização da Atividade Económica, Sanitária e Alimentar (AIFAESA) |
| 4. | Agência Nacional para a Avaliação e Acreditação Académica (ANAAA) |
| 5. | Arquivo e Museu da Resistência Timorense (AMRT) |
| 6. | Centro Nacional de Formação Profissional e Emprego de Tibar (CNFPE) |
| 7. | Centro Nacional de Reabilitação (CNR) |
| 8. | Comissão Anti-Corrupção (CAC) |
| 9. | Comissão da Função Pública (CFP) |
| 10. | Comissão Nacional de Aprovisionamento, (CNA) |
| 11. | Conselho de Imprensa (CI) |
| 12. | Falintil - Forças de Defesa de Timor-Leste (F-FDTL) |
| 13. | Gabinete das Fronteiras Marítimas (FM) |
| 14. | Hospital Nacional Guido Valadares (HNGV) |
| 15. | Inspeção Geral do Estado (IGE) |
| 16. | Instituto de Defesa Nacional (IDN) |
| 17. | Instituto Nacional da Administração Pública (INAP) |
| 18. | Instituto Nacional de Desenvolvimento da Mão de Obra (INDMO) |
| 19. | Instituto Nacional de Formação de Docentes e Profissionais da Educação (INFORDEPE) |
| 20. | Ministério da Administração Estatal (MAE) |
| 21. | Ministério da Agricultura e Pescas (MAP) |
| 22. | Ministério da Defesa (MD) |
| 23. | Ministério da Educação Juventude e Desporto (MEJD) |
| 24. | Ministério da Justiça (MJ) |
| 25. | Ministério da Saúde (MS) |
| 26. | Ministério da Solidariedade Social e Inclusão (MSSI) |
| 27. | Ministério das Finanças (MF) |
| 28. | Ministério das Obras Públicas (MOP) |
| 29. | Ministério do Ensino Superior Ciência e Cultura (MESCC) |
| 30. | Ministério do Interior (MI) |
| 31. | Ministério do Petróleo e Minerais (MPM) |
| 32. | Ministério do Turismo, Comércio e Indústria (MTCI) |
| 33. | Ministério dos Negócios Estrangeiros e Cooperação (MNEC) |
| 34. | Ministério dos Transportes e Comunicações (MTC) |

| | |
|-----|--|
| 35. | Ministro Coordenador dos Assuntos Económicos (MCAE) |
| 36. | Polícia Científica de Investigação Criminal (PCIC) |
| 37. | Polícia Nacional de Timor-Leste (PNTL) |
| 38. | Presidência da República (PR) |
| 39. | Presidência do Conselho de Ministros (PCM) |
| 40. | Procuradoria Geral da República (PGR) |
| 41. | Programa Nacional de Desenvolvimento dos Sucos (PNDS) |
| 42. | Provedoria dos Direitos Humanos e Justiça (PDHJ) |
| 43. | Rádio e Televisão de Timor-Leste (RTTL) |
| 44. | Secretaria de Estado da Formação Profissional e Emprego (SEFOPE) |
| 45. | Secretaria de Estado da Igualdade e Inclusão (SEII) |
| 46. | Secretaria de Estado da Juventude e Desporto (SEJD) |
| 47. | Secretaria de Estado de Arte e Cultura (SEAC) |
| 48. | Secretaria de Estado de Cooperativas (SECoop) |
| 49. | Secretaria de Estado para a Comunicação Social (SECOMS) |
| 50. | Secretariado Técnico do FDCH (ST-FDCH) |
| 51. | Tribunal de Recurso (TR) |
| 52. | Universidade Nacional Timor Lorosae (UNTL) |
| 53. | Autoridade Nacional de Comunicações (ANC) |
| 54. | Instituto Nacional de Ciências e Tecnologia (INCT) |
| 55. | Instituto de Apoio ao Desenvolvimento Empresarial (IADE) |
| 56. | Instituto Nacional de Segurança Social (INSS) |
| 57. | Instituto do Petróleo e Geologia (IPG) |
| 58. | Secretário de Estado da Proteção Civil (SEPC) |
| 59. | Ministério do Planeamento e Investimento Estratégico (MPIE) |
| 60. | Serviços Autónomo de Medicamentos e Equipamentos Médicos, EP (SAMES) |
| 61. | Ministerio para os Assuntos dos Combatentes da Libertação Nacional (MACLN) |
| 62. | Secretário de Estado do Ambiente (SEA) |
| 63. | Centro de Nacional Formação do SENAI Becora (SENAI Becora) |



HARVARD UNIVERSITY

REVISTA: UNIVERSIDADE

Iha edisaun trimestre nêe nian, redasaun decide publika informasaun kona-ba universidade sira iha mundu nêebé ho ninia fakuldade Saúde no Medisina di'ak liu no okupa mós klasifikasaun nêebé di'ak, tuir publikasaun nêebé sita hosi World University Rankings no redasaun decide publika informasaun hosi universidade lima (5) husi nasaun oin-oin hanesan tuir mai, atu asesu informasaun kompletu liu, lee na'in sira bele asesu mós iha portal universidade ida-idak nian.

1. Harvard University

John Warren, Benjamin Waterhouse no Aaron Dexter harii Harvard Medical School iha loron 19 fulan Setembru tinan 1782. Ospital nêebé uza hodi hanorin mak Beth Israel Deaconess Medical Center, Brigham and Women's Hospital, Boston Children's Hospital no Massachusetts General Hospital.



Harvard Medical School mak eskola médiku ida iha universidade Harvard Fakuldade Medisina Harvard. Eskola médiku nêe tama mós iha klasifikasaun nêebé di'ak no prestijiu iha mundu hafoin MIT no universidade Cambridge. Harvard Medical School(HMS) lokaliza iha Longwood Medical Area, Mission Hill, Boston, Massachusetts.

Eskola nêe mós okupa primeiru lugar Eskola Medisina nian iha Estadu Unidus Amérika haktuir avaliasaun husi U.S. News & World Report.

Atu sai kandidatu iha Harvard Medical School (fora husi bolsa-estudu) orsamentu nêebé presiza kada tinan mak US\$ 50.000 to'o 60.000. maibé depoisde remata ita nia estudu iha universidade refere, ita nia futuru sei brillante.



UNIVERSITY OF BIRMINGHAM



2. University of Birmingham, Inglaterra

University of Birmingham, harii iha tinan 1900 iha Inglaterra, universidade neê koñesidu iha area edukasaun no peskiza liuliu area estrutura jenética, remédiu, peskiza espešial no komunikaun nian. Universidade neê iha estudante lokál hamutuk 26.000 no estudantes estranjeirus hamutuk 8.000 husi nasaun oin-oin.

Universidade neê halo ninia operasaun iha kampus rua (2) mak hanesan Kampus Edgbaston no Kampus Selly Oak inklui ninia Departamentu akadémiku 8 mak sai nu'udar konsentrasaun estudu nian mak hanesan Arte, Língua, Literatura no Ístória, Negósius, Edukasaun, Téknika, Direitu, Medisina, Odontolojia no Siénsia Saúde, Siénsia Sosiál, Governasaun no Polítika.

Fakuldade Odontologia iha University of Birmingham tama klasifikasaun 19 iha nivel mundiál nian haktuir QS World University Ranking 2018.

Estimasaun kustu moris nian neêbé presiza US\$ 13.311,96 no kustu propinas média nian mak entre US\$ 11.093,3 - US\$ 38.826,55





3. The University of Melbourne, Australia

Universidade nêe lokaliza iha kapitál Melbourne, Australia no sai hanesan universidade nêebé okupa klasifikasaun númeru 9 iha mundu haktuir World University Rankings husi Times Higher Education (THE) tinan 2019 liu-liu iha area Klinikal, Pre- Klinikal no Saúde. Alende nêe The University of Melbourne mós koñesidu ho ambiente eskola nian nêebé seguru loos. Ida-nêe laós novidade foun tanba sidade Melbourne mós nu'udar sidade nêebé seguru liu iha nasaun Kangurú nêe.



Situasaun seguransa nêe laós de'it ba sira nêebé mak atu kontinua estudu iha nêebá maibé ba mós atividade sira seluk. Alende koñesidu iha ninia area saúde no ambiente nêebé seguru, Dadus seluk tuir fontes husi THE (Times Higher Education) Universidade nêe mós okupa klasifikasaun númeru 32 iha mundu kona-bá programa bolsa-estudu nian. Alende nêe The University of Melbourne koñesidu iha mundu tanba dosente sira nia kualidade peskiza no to'o ikus sira hetan mós prémiu Nobel. Estimasaun kustu moris nêebé presiza bainhira ba hala'o estudu iha universidade nêe \$18,000.00 no kustu propinas US\$ 14,000.00 to'o US\$ 40,000.00



THE UNIVERSITY OF
SYDNEY



4. The University of Sydney, Australia

The University of Sydney lokaliza iha sidade Sydney, Australia. Universidade neê nu'udar universidade neêbé koñesidu liu iha mundu no agora okupa 50 lugar entre universidade sira neêbé di'ak liu iha mundu no universidade neê mós okupa primeiru lugar iha nasaun Australia no sai 4 lugar iha mundu ba graduadus neêbé preparadu hodi kontinua servisu haktuir dadus QS Graduate Employability Rankings tinan 2018. Númeru estudante sira neêbé foti estudu nível licenciatura no mestrado iha universidade refere mai husi nasaun 134.

Universidade neê mos iha facilidade no ambiente kampus neêbé di'ak, nunêe bele inspira alunos atu explora sira nia koñesimentu. alende neê parte universidade fó mós biban ba estudante sira atu bele habelar oportunidade karreira liu-husi estájiu.

Siências Saúde: Faculdade neê oferese mós programa profisaun saúde integradu neen (6) iha nível Licenciatura no Mestrado. Faculdade neê okupa (2) lugar iha mundu, liuliu iha area desportu, fisioterapia no reabilitasaun (Fontes; QS World University Rankings by Subject 2018).

Medicina no Saúde: Faculdade neê oferese disciplina oin-oin inklui medicina, enfermagem no saúde pública, odontolojia no farmácia. Alende neê faculdade refere oferese mós ba alunos maioria programa saúde nian entre universidades iha nasaun Australia inklui oferese mós oportunidade hodi servisu hamutuk ho academia no eskola klinikamente líder.





5. Karolinska Institutet (KI)

Mak hanesan institutu ida bo'ot no tuan iha Nasaun Suésia nu'udar institutu ne'ebé mak koñesidu iha area médiku nivel mundiál no institutu ne'e la hanesan ho institute sira seluk ne'ebé mak foka ba siénsia oin-oin. Karolinska Institutet (KI) konsentra liu iha Fakuldade ida de'it mak hanesan Siénsia Médiku no Siénsia Saúde ho ninia reputasaun ne'ebé di'ak tebe-tebes iha setór peskiza no inovasaun ne'ebé ho kualidade aas no instituisaun ne'e mós konsistente iha mellor klasifikasaun no mellor universidade iha mundu liuliu iha Siénsia Médika no Siénsia Saúde.

Karolinska Institutu fornese mós oportunidades karreira internasionál ba graduadu sira inklui oportunidades atu hetan bolsa-estudus ba graduadus iha programa mestrado atu kontinua ba iha nivel doutorado.

Iha Karolinska Institutu alunu sira bele kompete iha desenvolvimentu último (kemajuan terbaru) liu-liu iha area medisina tanba professores iha Karolinska Institutet sempre realiza peskiza ne'ebé paralelu ho palestras tan ne'e Ensinu superior refere aplika sistema aprendizajen interativa ne'ebé foka liubá kontaktu informál ho dosente no fasilita partisipasaun ativa.

Misaun Karolinska Institutet maka "Patient first" ka Pasiente mak Premeiru. Fó atendimentu saúde ho kualidade no seguransa hamutuk ho especialista profesional sira, sistema akadêmiku servisu saúde nian inklui peskiza no edukasaun ida ho kualidade aas liu iha mundu.

Ne'e mak universidade lima ne'ebé redasaun sita hosi World University Rankings, Alende universidade hirak ne'ebé redasaun temi iha leten ,sei iha mos universidade lubuk ida ne'ebé diak mós iha área Estudu medicina nian nune'e maka Governu Timor-Leste haruka mós Timoroan ba hala'o estudu iha ne'eba. Universidade sira ne'e lo-

kaliza iha nasaun sira hanesan Cuba, Fiji, Moçambique, China, Nova Zelandia, India, Brazil, Portugal, Malazia no mós Indonezia.

Desde Primeiru Governu Konstituisaun RDRTL, Governu konsege haruka ona Timoroan barak ba hala'o Estudu iha Nasaun Cuba, no barak mak oras ne'e fila ona ba Timor-Leste no hala'o ona knar iha Ospital no klinika sira iha teritoriu Timor-Leste laran tomak, alein ne'e Governu Timor-Leste ho Governu Cuba halo mós kooperasaun hodi haruka Profesores mediku sira hodi mai hanorin iha UNTL no balun mós hala'o knar núdar doutor iha Ospital no klinika sira iha teritoriu Timo-Leste laran tomak.



Governu Asina Protokolu Kooperasaun Bilateral Projetu Pro-Portugues ho Instituto Camões I.P



Sekretáriu Ezekutivu Fundo de Desenvolvimento do Capital Humano (FDCH) Sr. Isménio Martins da Silva representa Ministru Ensino Superior Ciência e Cultura S.E. Sr. Longuinhas dos Santos sai sasin ba serimónia asinatura Protokolu Kooperasaun Bilateral Projektu Pro-Portugues hosi Ministériu Juventude no Desportu (MEJD) ho Instituisaun Comões I.P, iha salaun Ian Martin Balide, 05/09/2019.

Protokolu Kooperasaun Bilateral Projektu Pró-Portugues neê asina direta hosi Ministra Edukasaun, Juventude no Desportu S.E. Sra. Dulce de Jesus Soares ho Prezidente Instituto da Cooperação e da Língua Portuguesa, I.P. (Camões I.P.) Sr. Luis Faro Ramos. Ho asinatura protokolu kooperasaun bilaterál neê marka inísiu hosi projetu foun ida ba formasaun iha lian português ba profesór sira hosi ensinu neêbê láos superior iha Timor laran.

Ministra Edukasaun Juventude no Desportu, Dulce Soares hatete projetu neê mosu hafoin teste diagnóstiku sira iha tinan 2015 neêbê hatudu katak porsentu 78 hosi profesór timoroan sira iha koñesimentu ladún maka'as iha lian portugeza, nuneê hamosu susar iha uzu lian portugeza hanesan lian instrusaun nian iha sala-de-aula.

Tanba neê atu aselera prosesu formasaun nian, Governu Timor-Leste buka parseiru ho Camões Portugal, hodi kria projetu foun ida neêbê sei atua iha nível lokál hodi haree de'it iha desenvolvimentu hosi kompeténsia linguística nian.

“Projektu boot ida neêbê iha objetivu boot, aumenta domínio ho profisiénsia hosi profesor tomak hosi ensinu neêbê láos superior”, hatete Ministra Dulce de Jesus Soares iha ninia diskursu ba serimónia asinatura Protokolu Kooperasaun Bilateral neê.

Prezidente Instituto da Cooperação e da Língua Portuguesa, I.P. (Camões I.P.) Sr. Luis Faro Ramos agradece ba konfiansa neêbê iha no konsidera programa neê aposta ambisiozu tebes hosi Timor-Leste ho Portugal hodi hametin liután lian portugues neêbê hanesan lian ofisiál ida mós iha Republika Demokratika Timor-Leste.

“Hanesan aposta ida ambisiozu tebes hosi Timor-Leste ho Portugal hodi hametin lian portugeza hanesan lian ofisiál ensinu nian, hodi permiti aumenta qualidade hosi ensinu báziku ho báziku jerál”, afirma hosi Luis Faro Ramos.

Nia hatete investimentu Portugal nian ho Timor-Leste iha área edukasaun kontinua metin no hamosu rezultadu sira neêbê konkretu tebes. Ho nuneê ho asina protokolu neê hahú faze foun ida iha kooperasaun neêbê representa hakat kualitativu ida ho kuantitativu ba parte seluk.

Implentasaun Projektu Pro-Portugues neê sei hala'ó hosi INFORDEPE no projetu neê sei finansia hosi Governu Timor-Leste liuhosi Fundo de Desenvolvimento do Capital Humano (FDCH) no Governu Portugal, durasaun ba projetu neê tinan tolu neêbê sei termina iha 2022.

Formador sira ba lian portugeza neê na'in 33 sei mai hosi Portugal ho kordenadór na'in rua no sei fó mós oportunidade ba formador efetivu timoroan na'in 53 neêbê sei hili hosi INFORDEPE.

Projektu neê haree mós ba desenvolvimentu hosi kompeténsia sira ho profisiénsia iha Lian Portugeza - Nível B2 hosi profesor sira hotu, hosi siklu tomak ensinu nian (Edukasaun Pré-Eskolar, Ensину Báziku ho Sekundáriu) hosi sistema edukativu hosi ensinu láos superior timoroan nian, hosi eskola sira hosi Postu Administrativu hamutuk 65.

Asinatura Protokolu Kooperasaun Bilateral Projektu Pro-Portugues neê realiza nudár mós rezultadu ida hosi ekipa téknika ida neêbê forma hosi Governu Timor-Leste neêbê kompostu hosi Prezidente INFORDEPE Sr. Deolindo da Cruz nudár Xefe Delegasaun, Diretór Jerál Administrasaun no Finansas MEJD Sr. Abrão do Santos, Coordenadór Jerál Projektu Formar Mais (2016-2018), Sr.Raimundo Jose Neto, Coordenador do Gabinete de Gestão e Sistema de Informação nudár Representante hosi FDCH Sr.Henrique do Rosario Assessora Téknika INFORDEPE, Sra. Ana Caetano, Assessora Téknika MEJD Sra. Joana Cunha, hodi halo negosiasaun ho Instituto Camões .IP iha Portugal iha fulan hirak liubá. (Média FDCH)





Koordenador GAGESI Sr. Henrique do Rosario representa S.E. FDCH hodi partisipa iha serimonia abertura Formasaun ba Pessoal Apoiu Administrasaun Suco (PAAS)



Koordenadora GAFRHI Sra. Leila Carceres representa S.E. FDCH partisipa iha serimonia asina kontatu no depedisa ho boleiru nain neen neêbe atu ba hala'ò estudu iha Indonesia.



Formadora Programa Formasaun ba Pessoal Apoiu Administrasaun Suco fahe hela informasaun ba partisipantes sira.




Boleirus timoroan na'in neen neêbe atu ba hala'ò estudu iha Polteknag Surabaya .



Sesaun foto hamutuk hafoin serimonia abertura ba Formasaun ba pessoal Apoiu Administrasaun Suco.



Foto hamtuk Boleirus timoroan na'in neen neêbe atu ba hala'ò estudu iha Polteknag Surabaya ho presidente ANATL ho ninia estrutura no Koordenadora GAFRHI-FDCH Sra. Leila Carceres.



SE. FDCH Sr. Isménio Martins da Silva halo inkontru ho equipa husi JICA hodi ko'alia kona-ba programa bolsa estudu mestradu ba funsinariu publiku sira.



SE. FDCH Sr. Isménio Martins da Silva akompana husi Koordenador GAPPEFIV Sr. Filomeno Lay halo inkontru ho Prezidente INCT ho vise prezidente.



Reprezentante JICA halo esplikasaun kona-ba programa bolsa estudu mestradu ba funsinariu publiku sira bainhira enkontru ho SE. FDCH Sr. Isménio Martins da Silva.



Vice Presidente INCT Dr. Afonso de Almeida halo esplikasuan kona-ba prpgrama sira iha INCT ne'ebé atu realiza iha tempu besik.



SE. FDCH Sr. Isménio Martins da Silva hatudu hela Livro Relatoriu LDRH ba iha reprejentante husi JICA



SE. FDCH Sr. Isménio Martins da Silva hatudu hela Livro #6 ba Presidente no Vice Presidente INCT.



Sekretariu Ezekutivu FDCH Sr. Isménio Martins da Silva halo diskursu iha serimónia afastamentu no deklarasaun aseitasaun Bolsa Estudu fun-
sionáriu Publiku Timor-Leste



Sekretariu Ezekutivu FDCH Sr. Isménio Martins da Silva partisipa iha Serimónia enseramentu formasaun indusaun Jerál.



Bolseirus Nivel Mestrado, faze dahuluk nian husi Programa Japan Development Scholarship (JSD), Grand Aid rona hela diskursu husi S.E. FDCH Sr. Isménio Martins da Silva




partisipantes formasaun indusaun Jerál tinan fiskal 2019.



Sesaun foto hamutuk entre S.E. FDCH, Presidenti KFP, DG INAP, Embaisador Japaun mai Timor-Leste, Responsavel JICA no Bolseirus sira.



Sesaun foto hamutuk uainhira remata Serimónia ensera-
mentu formasaun indusaun Jerál tinan fiskal 2019.



Equipa Monitorizasaun husi ST-FDCH Sr. Prudençio Diaz akompaña husi diretór Departamentu Polisiamentu Komunitaria Superintendente Assistente António da Luz halo esplikaun ba Formandos sira kona-ba Objetivu husi Monitorizasaun.



Sekretáriu ezekeutivu FDCH Sr. Isménio Martins da Silva partisipa sorumutu estraordináriu dirijente sira MESCC nian no instituisuan sira nêbe tutela ho Ministru MESCC Sr. Longuinhas dos Santos MM.



Partisipantes Formasaun Multimedia Departamentu Polisia Komunitaria Nasional rona hela esplikaun husi equipa Monitorizasaun Sr. Prudençio Diaz kona-ba Objetivu husi Monitorizasaun.




Sekretáriu ezekeutivu Fundo de Desenvolvimento do Capital Humano Sr. Isménio Martins da Silva halo apresentasaun iha sorumutu estraordináriu dirijente sira MESCC nian no instituisuan sira nêbe tutela ho Ministru MESCC



Sesaun foto hamutuk entre Equipa Monitorizasaun Sr. Prudençio Diaz, Diretor Departamentu Polisiamentu Komunitaria diretór Departamentu Polisiamentu Komunitaria Superintendente Assistente António da Luz, Formador husi Sentru Formasaun Multimedia Canox Sr. Salvador Castro no Formandos sira husi Departamentu Polisia Komunitaria Nasional.



Sekretáriu ezekeutivu FDCH Sr. Isménio Martins da Silva partisipa sorumutu estraordináriu dirijente sira MESCC nian no instituisuan sira nêbe tutela ho Ministru MESCC Sr. Longuinhas dos Santos MM.



Sekretariu Ezekutivu FDCH Sr. Isménio Martins da Silva neébé akompaña husi Koordinator sira ST-FDCH halo enkontru ho Sr. Antonio husi Cavo Verde



Sekretariu Ezekutivu FDCH Sr. Isménio Martins da Silva partisipa iha Serimonia assinatura Protokolu Kooperasaun Bilateral Projektu Pro-Portugues.



Sr. Antonio husi Cavo Verde hato'o hela informasaun balun ba S.E. FDCH



Ministra MEJD Sr. Dulce de Jesus no Presidenti Institutu Camões assina hela Protokolu Kooperasaun Bilateral Projektu Pro-Portugues.



Sesaun foto hamutuk entre Sekretariu Ezekutivu FDCH Sr. Isménio Martins da Silva neébé akompaña husi Koordinator sira ST-FDCH no Sr. Antonio husi Cavo Verde.



Ministra MEJD Sr. Dulce de Jesus no Presidenti Institutu Camões truka MoU Protokolu Kooperasaun Bilateral Projektu Pro-Portugues.



Prezidente Konsellu Administrasaun ANATL, EP Sr. Romualdo da Silva akompaña hosi diretór sira no Sekretaria Ezekutiva FDCH interina Sra. Leila Carceres dos Santos ofisialmente halo anúnsiu ba públiku kona-ba vaga bolsa estudu ba timoroan na'in neen (6) ne'ébê sei ba hala'o estudu iha Poltekbang (Politeknik Penerbangan) Suarabaya- Indonesia.



Sekretáriu Ezekutivu Fundo de Desenvolvimento do Capital Humano (FDCH) Sr. Isménio Martins da Silva koalia hela ba Jornalista sira iha momentu Komferensia Imprensa Anunsia resultadu Bolsa Estudu ba Poltekbang iha Aero Portu Presidente Nicolau Lobato.



Sekretaria Ezekutiva FDCH interina Sra. Leila Carceres dos Santos ho Prezidente Konsellu Administrasaun ANATL, EP Sr. Romualdo da Silva akompaña hosi diretór sira ofisialmente halo anúnsiu ba públiku kona-ba vaga bolsa estudu ba timoroan na'in neen (6) ne'ébê sei ba hala'o estudu iha Poltekbang (Politeknik Penerbangan) Suarabaya- Indonesia.




Presidente Interinu ANATL koalia ba Jornalista sira iha momentu konferensia Imprensa hodi anunsia resultadu Bolsa Estudu ba Poltekbang Surabaya-Indonesia.



Sekretaria Ezekutiva FDCH interina Sra. Leila Carceres dos Santos ho Prezidente Konsellu Administrasaun ANATL, EP Sr. Romualdo da Silva komversa hela uainhira remata konferensia imprensa



Sesaun foto hamutuk uainhira remata komferensia Imprensa iha Salaun VIP Aero Portu Presidenti Nicolao Lobato.



Diretor CNEFP Tibar halo esplikasaun no apresentasaun kona-ba programa nêbe CNEFP sei halaò iha tinan oin ba ekipa KROT, iha Salaun Lasama, MF Aitarak-laran



Sekretariu Ezekutivu FDCH Sr. Isménio Martins da Silva nu'udar mos Prezidente KROT halo esplikasaun iha enkontru tékniku ho LMs no Instituisaun estadu akreditadus nêbé asesu orsamentu mai FDCH.



Proponete hosi Presidencia do Conselho de Ministro halo esplikasaun no apresentasaun kona-ba programa sira nêbe sei halaò iha tinan oin ba ekipa KROT, iha Salaun Lasama, MF Aitarak-laran.



Komisaun Revizaun Orsamentu Tékniku (KROT) halaò enkontru tékniku ho LMs no Instituisaun estadu akreditadus nêbé asesu orsamentu mai FDCH, hahú hosi loron 11-13/09 iha Salaun Lasama, MF Aitarak-laran



Sesaun foto hamutuk ekipa KROT ho tekniku sira hafoin remata enkontru ho LMs no instituisaun estadu akreditadu sira durante loron haat iha iha Salaun Lasama, MF Aitarak-laran.



Proponente hosi F-FDTL halo apresentasaun kona-ba programa forma-saun no bolsa estudu nêbe instituisaun estadu nêe atu halaò iha tinan oin ba ekipa KROT.



S.E. Primeiru Ministru Taur Matan Ruak akomapaña hosi Ministra Finansa Interina no Ministru Estadu Prezidénsia Konsellu Ministrus, prezide enkontru KROP iha edifísiu Ministeriu Finansa Aitarak laran, 21/09/2019



Sekretariu Ezekutivu FDCH Sr. Isménio Martins da Silva akomapaña hosi Ministru MESCC Sr. Longinhos dos Santos halo apresentasaun orsamentu 2020 FDCH nian ba KROP, 21/09/2019.



Reuniaun KROP ho FDCH hodi apresentasaun orsamentu 2020 FDCH nian ba KROP, 21/09/2019.



Sekretariu Ezekutivu FDCH Sr. Isménio Martins da Silva akomapaña hosi Ministru MESCC Sr. Longinhos dos Santos halo apresentasaun orsamentu FDCH 2020 ba KROP, 21/09/2019



Membru KROP halo komentariu no apresiasaun ba plano no proposta FDCH nian ba 2020 .



Ministru MESCC Sr. Longinhos dos Santos halo esplikasaun kona-ba orsamentu 2020 FDCH nian ba KROP, iha edifísiu Ministeriu Finansa Aitarak laran ,21/09/2019.

PERFIL FDCH



1. KONA-BA FDCH (FUNDO DE DESENVOLVIMENTO DO CAPITAL HUMANO)

1.1. Estabelesimentu

Fundo de Desenvolvimento do Capital Humano (FDCH) hari'i tuir Lei Parlamentu, ne'ebé halo aprovasaun ba Orsamentu Jerál Estadu (OJE) ho no 1/2011 iha 14 Feveiru 2011, husi artigu 70 to'o artigu 90 no mós termu previstu iha artigu 320 husi Lei Parlamentu no 13/2009, 21 Outubru 2011, ne'ebé koalia kona-ba instrumentu atu konsentra hotu kompetênsias hodi determina, finansia no implementa polítika tomak governu nian ligadu ba dezenvolvimentu kualifikasaun, formasaun no kapasitasaun ba rekursu ka kapital umanu iha Timor-Leste.

1.2. Baze Legal

FDCH mós regulamentadu bazeia ba Dereitu-Lei no 12/2011, 23 Marsu, alteradu no repúblikadu ho Dekretu-Lei (DL) nº 11/2015, 03 Juñu (iha dokumentu ne'e sei refere barak liu ba DL ne'e) no mós regula iha Diploma Ministerial no 9/2011, 13 Abril, ne'ebé aprova "Regimento Interno no Procedimentos ba execução do Conselho de Administração do Fundo de Desenvolvimento do Capital Humano (CA-FDCH)", hanesan entidade ne'ebé responsavel ba jestaun no administrasaun ba fundu ne'e.

Conselho de Administração do FDCH (Konsellu Administrasaun FDCH) hetan apoiu husi Sekretariadu Tékniku ida, ne'ebé dezempeña servisu Espesializada atu halo koordinasaun téknika ho orgaun governu ne'ebé iha nesesidade atu dezenvolve programas no projetus ba

dezenvolvimentu kapital umanu tuir área kompetensia ida-idak nian (DL artigu 6º).

1.3. Objetivu

Objetivu Jerál ba estabelesimentu fundu nian mak: "atu dezenvolve planu rekursu umanu Nasionál hodi apoia ba dezenvolvimentu Nasionál iha área oi-oín, mellora di'ak liutan planu, jestaun no implementasaun programa nomós garante lalaok programa ho ninia ezekusaun orsamentu públiku ne'ebé transparente ho despeza governu nian relasiona ho kustus ba formasaun, bolsa-estudu no programa ba dezenvolvimentu rekursu umanu iha Timor-Leste".

Espesifikamente, haktuir artigu 2 ba Dekretu Lei FDCH nian nebe temi ona iha leten, estabelesimentu Fundo Desenvolvimento do Capital Humano iha ninia objetivu hodi hari'i hanesan mós atu:

- Asegura jestaun finanseiru ba investimentu públiku iha área formasaun no dezenvolvimentu rekursu umanu nasional;
- Garantia seguransa ba negosiasaun, asinatura ba akordu no projetu sira plurianuais;
- Mantein verbas orsamentu ne'ebé prevé ba FDCH iha final tinan fiskal ho objetivu atu garantia continuidade programa no projetu formasaun;
- Promóve transparênsia no responsabilidade liuhosi mekanismu no prosidimentu Relatóriu no prestasaun servisu sobre prosesu ezekusaun programa formasaun no projetu dezenvolvimentu kapital umanu.

1.4. Funksaun Jerál

Sekretáriadu FDCH iha funsaun Jerál, atu :

1. Koordena planu dezvoltamentu rekursu umanu iha Timor-Leste, implementasaun no ezekusaun orsamentu FDCH nian;
2. Avalia rezultadu atividades formasaun no bolsa-estudu;
3. Koordena ho parseiru hot-hotu ba kualidade.

1.5. Estrutura

Bazeia ba artigu 3 husi Dekretu Lei, Konsellu Administrasaun FDCH kompostu husi:

- Ministru Planeamentu no Investimentu Estratéjiku (MPIE), nudar Prezidente ne'ebé maka lidera;
- Ministru Finansa, nudar Membru Permanente;
- Ministru Edukasaun, nudar Membru Permanente;
- Ministru Justisa, nudar Membru Permanente;
- Ministru Petroliu no Rekursu Minerais, nudar Membru Permanente; no
- Sekretário Estado ba Política Formasaun Profesional no Empregu (SEPFOPE), nudar Membru Permanente.

2. JESTAUN BA FDCH

2.1. Konsellu Administrasaun FDCH:

Konsellu Administrasaun mak orgaun ne'ebé halo desizaun iha Sekretáriadu FDCH. Papél konsellu nian mak atu fó konsellu ba política, aprovasaun no dirasaun kona-ba dezvoltamentu rekursu umanu iha Timor-Leste nomós programa FDCH no projetu sira iha Timor-Leste. Konsellu ne'e iha mós responsabilidade Jerál ba jestaun FDCH. Espesífikamente, Konsellu Administrasaun iha mandatu tuir artigu 4, Dekretu Lei mak hanesan:

- Aprova no prioretiza projetu sira ne'ebé finansia husi Fundu no sira nia kustu estimadu;
- Aprova opsaun finanseiru ba kada projetu dezvoltamentu Kapital Umanu;
- Koordena preparasaun no aprova proposta orsamentu husi Fundu, hodi bele submete ba Komisaun Revizaun Orsamental;
- Permite pagamentu hodi bele prosesa liuhosi Fundu;
- Aprovasaun ba Relatóriu Atividade no Relatóriu Auditoria Fundu nian;
- Atu difine prosidimentu ba aprovasaun no revizaun hodi aprova Regulamentu Interna no Estrutura Funksionáriu, hodi bele submete ba Konsellu;
- Atu implementa poder disiplinariu hanesan estipula iha Regulamentu Interna;
- Atu aprova Planu Asaun Anual;
- Atu asegura jestaun orsamentu anual Sekretáriadu FDCH, tuir prinsipiu transparansia no efsiensi;
- Atu asegura funksionamentu di'ak no manutensaun ba Sekretáriadu FDCH, liuhosi jestaun ida ne'ebé bazeia ba Regulamentu Interna, Planu Asaun Anual no orsamentu;

- Atu supervisona administrasaun ba orsamentu anual no planu asaun anual, submete regular kada relatóriu;
- Atu aprova orsamentu anual no relatóriu atividade.

2.2. Enkontru Konsellu Administrasaun FDCH:

Bazeia ba artigu 30 Dekretu-Lei no 09/2011, 13 Abril, kona-ba regra enkontru Konsellu nian hanesan tuirmai ne'e:

- Konsellu Administrasaun baibain hala'o enkontru iha Tersa-feira semana daruak kada fulan.
- Enkontru Konsellu Administrasaun realiza iha sala-enkontru Ministeriu nian, iha Dili.
- Prezidente Konsellu bele determina enkontru Konsellu Administrasaun nian iha kualker fatin seluk iha teritoriu nasional
- Alterasaun ba data enkontru nian bele akontese iha tempu saida deit ba rajaun ne'ebé justifikadu, Ministru/ Prezidente CA-FDCH maka determina.
- Alterasaun ne'ebé temi iha numeru anterior la bele impede fali realizaun enkontru mensal Konsellu Administrasaun nian.
- Konsellu Administrasaun bele enkontru extra-ordinariamente bainhira konvokadu husi Primeiru Ministru ou, iha auzensia ou iha impedimentu, husi Ministru ne'ebé substitui, ho autorizasaun previa husi Primeiru Ministru.
- Enkontru extra-ordinaria sira Konsellu Administrasaun nian aplika ho adaptasaun apropiadu, tuir dispostu iha diploma ne'e.

2.3. Estrutura Orgânica Sekretáriadu Tékniku FDCH nian.

Estrutura Orgânica Sekretáriadu FDCH kompostu husi estrutura tuir mai ne'ebé apresenta no aprovalu husi CA-FDCH iha 24 de Abril 2017:

- Sekretáriu Ezekutivu – Lider masimu iha Sekretáriadu FDCH
- Gabinete ba Administrasaun no Rekursu Umanu Interna (GARHI)
- Gabinete ba Planu, Peskiza, Fiskalizaun no Verifikasaun (GAPPEFIV)
- Gabinete ba Servisu Pagamentu (GASEPA)
- Gabinete ba Aprovisionamentu no Lojística (GAPLO)
- Gabinete Gestaun ba Sistema Informasaun (GAGESI)

2.4. Papel Sekretáriu Tékniku FDCH nian

Iha artigu 6, Dekretu-Lei Fundu nian hateten katak "Apoiu Tékniku no Administrativo" sekretáriadu nian mak atu kumpri ninia obrigaun no responsabilidade, Konsellu ne'e hetan apoiu husi Sekretáriadu Tékniku FDCH, tutela ba Ministeriu Planeamentu no Investimentu Estratéjiku (MPIE).

Nomós iha artigu 7 – 10, Diploma Ministerial no 09/2011, 13 Abril, deskreve mandatu Sekretáriadu Tékniku

nian hanesan tuir mai ne'e:

a) Sekretariadu Tékniku ba Dezenvolvimentu Kapital Umanu estabese bazeia ba Dekretu-Lei 12/2011, 23 Marsu no kompetente ba Konsellu Administrasaun, ba koordinasaun téknika, akompañamentu, koordinasaun ba avaliasaun no monitorizasaun ba projetu sira hotu no programa formasaun no kualifikasaun kapital umanu ne'ebé implementa husi Fundu.

b) Nesesariu ba Sekretariadu Tékniku ba Dezenvolvimentu Kapital Umanu hodi fó asesoria téknika ba Konsellu Administrasaun kona-ba relevansia husi projetu sira ne'ebé atu dezenvolve no bazeia ba nesesidade implementasaun nian.

3. PROSESU NO MANDATU

3.1. Prosesu Submisaun Projetu iha FDCH

Iha artigu 8º husi Diploma Ministerial no 09/2011, koalia kona ba prosesu submete dokumentu projetu sira ba FDCH, hanesan tuir mai ne'e:

- Kompetênsia Ministériu sira no orgaun Governu nian sira seluk hodi submete projetu sira ba Sekretariadu Tékniku hodi bele hetan konsiderasaun husi Konsellu Administrasaun;
- Sekretariadu Tékniku maka responsavel hodi koordena ba halibur projetu sira ne'ebé propoin husi orgaun Governu nian, hodi bele submete ba hetan apresiasaun husi Konsellu Administrasaun, nune'e mós kona-ba implementasaun programa foun no projetu sira ne'e aprovalu husi Konsellu Administrasaun.
- Projetus sira ne'ebé submete ba Sekretariadu minimu loron 10 antes enkontru tuirmai Konsellu Administrasaun nian.

Artigu 9º - Dokumentu sira ne'ebé akompaña projetus:

Projetu sira ne'ebé atu submete ba Sekretariadu Tékniku ba Dezenvolvimentu Kapital Umanu ka ne'ebé dezenvolve hela, tenki akompaña ho dokumentasaun téknika sira liuliu hanesan informasaun tuirmai ne'e:

- Objetivu estratéjiku ba projetu;
- Parte ne'ebé envolve;
- Benefisiariu diretu;
- Fatin projetu;
- Durasan;
- Kustu;
- Relevansia projetu;
- Espesifikasaun importante liu ba projetu;
- Nesesidade implementasaun;
- Impaktu ka efeitu husi projetu;
- Adekuasaun ba Programa Governu no kuadru legal

atual.

Aprovalu iha aneksu diploma, ne'ebé sai hanesan parte integral ne'e maka pakote formulariu sira no sumariu ba deskrisaun projetu sira, inklui mós iha dokumentu tékniku hodi submete ba Konsellu Administrasaun.

Artigu 10º - Elaborasaun no apresiasaun preliminaru ba projetu:

Kompetensia Sekretariadu Tékniku ba Dezenvolvimentu Kapital Umanu ba apresiasaun preliminaru kona-ba projetu sira maka submete ona, ne'ebé depende ba ninia kazu:

- Determina hodi haruka fila-fali ba Ministeriu proponente, karik seidak kumpri rekeztu sira no formalidade sira maka prevista iha diploma ne'e no seidak haree forma ou dokumentu adekuaudu ne'ebé hato'o;
- Hato'o ba Prezidente Konsellu Administrasaun ita nia ajenda.

Kompetensia Sekretariadu Tékniku ba Dezenvolvimentu Kapital Umanu mós kona-ba dezeña projetu sira ne'ebé difinidu iha Konsellu Administrasaun, nomós preparasaun ba proposta projetu sira ne'ebé konsidera relevante.

Sirkulasaun entre membru sira iha Konsellu Administrasaun ba projetu ne'ebé mak atu avalia, akontese loron 3 molok enkontru Konsellu Administrasaun nian.

3.2. Mandatu Sekretariu Ezekutivu FDCH

Mandatu no papel Sekretariu Ezekutivu FDCH nian, hakerek iha Capitulo I, Artigu 3º iha Diploma Ministerial no 19/2017, 03 de Maio 2017, kona-ba kompetênsia atu jere no tau matan ST-FDCH iha ninia funsionamentu lor-loron.

Aleinde ida-ne'e, Sekretariu Ezekutivu Fundu nian hetan mós mandatu no póder husi Konsellu Administrasaun liuhosi DESPAXU n.º 1 /CA - FDCH/II/16, DELEGASAUN KOMPETENSIA atu bele iha responsavel masimu reprezenta Konsellu atu:

- Dirije no orienta jestaun diária ba FDCH, liuliu despaxu ba arkivu no korrespondênsia ne'ebé tama, no assinatura ba karta ofisial sira mak haruka ba orgaun no servisu sira tutela ba FDCH ka entidade nasionais públiku no privadu;
- Jestaun no administrasaun ba rekursu patrimoniun ne'ebé mak atribui ba FDCH, tuir lei ne'ebé vigóra;
- Jestaun no administrasaun rekursu umanu ne'ebé mak atribui ba FDCH;
- Hala'o prosidementu sira tuir lei aprovizionamentu, liuliu loke no adjudikasaun, nomós asina kada kontratu prestasaun servisu relasiona ho apoiu tékniku husi

FDCH, to'o montante masimu ne'ebé permite tuir lei ba Ministru ida;

- Hala'o prosedimentu sira tuir lei aprovisionamentu, liuliu loke no adjudikasaun, nomós asina kada kontratu, relaciona ho fornimentu sasan, prestasaun servisu ka ezeusaun ba obra FDCH nian, to'o montante masimu ne'ebé permite tuir lei ba Ministru ida;
- Autoriza despeza/gastus ba orsamentu FDCH nian, hanesan responsavel masimu ba servisu, bele nomea responsavel balun hodi autoriza asinatura ofisial ba Formuláriu Kompromisiu ba Pagamentu (FCP/CPV), Orden ba Sosa (OC/PO), Pedidu no Orden ba Pagamentu (POP/PRT), nomós responsavel ba iha área administrasaun, área finansa, área lojística, nomós ofisiais sertifikasaun no autorizasaun iha Fundu, kuandu nesesariu;
- Aprova pedidu sira adiantamente no presiza hari'i prestasaun servisu, nune'e mós verifika kada relatóriu;
- h) Aprova viajen asesor sira nian ou funsionáriu sira iha FDCH;
- Valida Planu Anual, Planu Aprovisionamentu no Planu Ezekusaun Orsamentu;
- Valida Relatóriu progresu orsamentu no Relatóriu Anual Preliminariu.

3.3.Rekursu Finanseira FDCH nian

Fonte orsamentu FDCH nian mai husi dotasoens estadu ninian nebé hakerek iha livru orsamentu número 6 (Livro no 6) hodi deskreve programas prinsipais ba desenvolvimentu rekursus umanus nia iha Timor-Leste, liu-liu fahe ba programas ha'at (4), ma'ak hanesan:

3.3.1.Programa Formasaun Profissional (Kodígu Programa 810)

Maioria orsamentu ba programa ne'e, sei financia ba atividades formasaun profissional iha Centro de Formasaun ne'ebé SEPFOPE (Secretária do Estado da Política de Formação Profissional e Emprego) halo konta ka tau-matan ba, inklui mós programa Liñas Ministeriais (LM) sira seluk ne'ebé konsentra ba formasaun funsionáriu ka empregadu sira nebé hasa'e kualifikasaun bada'en ka skills iha área enjénieria no sira seluk tan tuir padraun iha QQTL (Quadramento Qualificação de Timor-Leste) ka iha lian inglês ma' ak NQF (National Qualifications' Framework – NQF) ne'ebé sertifika husi INDMO (Instituto Nacional de Desenvolvimento de Mão de Obra) – SEPFOPE ba nível formasaun profissional no'mós husi ANAAA (Agência Nacional de Avaliação e Acreditação Académica) – Ministério da Educação (MdE) nian, nuudar izemplu: Padraun ba Sertifikadu 1 – IV hetan akreditasaun iha INDMO-SEPFOPE no padraun ba Sertifikadu V-IX (Diploma 1 – Doutoramentu) hetan akreditasaun husi ANAAA-MdF.

Programa ne'e iha ninian objetivu atu financia Liñas Ministeriais (LM) sira nian funsionáriu hodi prepara no hasa'e kompetênsias abilidade timoroan sira nian, liu-liu ba jovens feto no mane bazeia ba ejijensia ba nesessidades industria ka mercadu traballu nian ka habilidades ne'ebé ho natureza ka karater níveis sertifikasaun.

3.3.2.Programa Formasaun Técnica (Kodígu Orsamentu 811)

Programa ne'e fo'o apoiu tomak ba desenvolvimentu kapasidade funsionáriu Estadu nian ka agentes iha Estadu tomak ba área oin-oin, haktuir planu no prioridades governu nian ba setór hotu-hotu ho objetivu atu aumenta matenek no dezenvolve nomós mellora di'ak liu tan prestasaun servisu agentes ka mákina estadu hodi serbii di'ak liu tan iha sira-nia servisu fatin.

Formasaun baihafuturumaiseidepende barekezitu ka regras no leis Regime de Carreira husi Comissão da Função Pública (CFP) hodi nune'e bele assegura liu tan política estadu nian hodi hare ba kompetênsias no pozisaun funsionáriu idak-idak ida desenvolvimentu estadu ne'e.

Níveis no área ba formasaun sei adapta tuir regras da função pública, inklui mós prioridades estadu nian ne'ebé sei foti referênsia husi "Estudo Mapeamento Nacional ba Prioridades Recursos Humanos ba iha Setor Públiku no Privadu" ne'ebé halao husi Secretariado do FDCH ina tinan 2016 nian rohan (fim de 2016) ho orientasaun CA-FDCH nian nomós aprova iha Conselho de Ministro (CdM) iha loron 23 de Agosto 2016, hodi responde mós ba objetivu PEDN (Planu Estratégico do Desenvolvimento Nacional) 2011-2030.

3.3.3.Programa Bolsas Estudus-BdE (Kodígu Orsamentu 812)

Programa ne'e ninian foku no objetivu ma'ak atu financia Timor-oan feto no mane hodi hetan oportunidade atu continua ba estudu nível ensinu superior hahu husi níveis Diploma 1 to'o nível Doutoramentu haktuir Quadramento Qualificação Nacional de Timor-Leste – QQNTL (National Qualifications' Framework – NQF) ba iha Universidades ka Institutu Superior sira tantu iha rai-laran no rai-liur. Áreas estudu sei haktuir prioridades governu no nesessidades nasaun ninian.

Oportunidade ba Bolsa de Estudo sei aplika ba funsionáriu estadu nian nomós públiku timoroan feto no mane hahu husi tinan 17 to'o tinan 50 depende ba níveis eskolar.

Prosesu Bolsa de Estudo sei liuhosi konkursu formal ne'ebé Ministério ka Instituisaun Estadu RDTL ida ma'ak tenki organiza ho aprovasaun husi CA-FDCH ne'ebé sei

determina no aprova proposta mai husi LM ne'ebé mak organiza programa ne'e.

Apoiu financeiru husi FDCH ba programa ne'e, bele liuhosi meus rua (2):

3.3.3.1. Programa Bolsa Estudo Kompleta (Full Scholarship);

Programa ne'e sei hetan apoiu másimu husi FDCH hodi selu ka kobre ba kustu Propinas Eskola, Kustu ba Vida moris nian (Kustu de vida), Seguru/ Tratamentu ba Saúde nian no Transporte ka Bilhete de Viagem ba iha rai-liur (Ba & Fila – dala ida deit) wainhira remata estudo, kustu material didaktiku no Kusto balun tan hanesan peskiza ba finalista nian.

Importante ka obrigasaun atu estabelese akordu memorandum entre Instituisaun iha Estado RDTL ho instituisaun ensinu superior sira iha rai-laran ka ba iha rai-liur. Partikularmente ba iha rai-liur, instituisaun ne'ebé organiza programa bolsa de estudo tenki koordena mós ho MNEC (Ministério dos Negocios Estrangeiros e Cooperação) atu servisu besik ho Embaixadas RDTL iha nasaun hospedeiru inklui mós ho Consulados RDTL nian.

Atu FDCH bele aprova no ezejuta pagamentu ba programa ne'e, precisamente tenki iha dokumentus hanesan: MoU (Memorandum of Understanding), MoA (Memorandum of Agreement) ka Technical Agreement ba implementasaun programa ne'e entre instituisaun sira.

Parte seluk, tenki iha mós akordu kontratu entre instituisaun nebé organiza ho bolseiru sira hodi koalia kona ba "Deveres ka Obrigasaun, Responsabilidade, Sanksoens" husi parte hotu-hotu atu nune'e bele garante programa ne'e ninian sussesu.

3.3.3.2. Bolsa de Estudo Parcial (BEP) liu husi Subsídio Individuais (SI);

Aparte husi programa bolsa de estudo iha FDCH nebé liu husi prosesu konkursu formal organizado husi LM ka FDCH rasik, haktuir matadalan ba formasaun no bolsa de estudo FDCH nian, iha mós verba ka orsamentu balun alokadu atu fo'o subsidio orsamentu balun nebé sei fornese ba Timor-oan sira nebé estuda hela iha nível ensino superior, tanto iha rai laran ka ba iha instutuisaun sira rai liur nian.

Objetivu husi apoio ne'e ma'ak hanesan tulun ida komplementar (subsídio complementar) ka hanesan ajudo ka apoio financeiro balun hodi fo'o ba estudantes Timor-oan ida husi nível Diploma-1 to'o fali nível de estudo Doutoramento, nebé iha valores ka notas escolar di'ak durante prekursu akadémiku nian.

Apoio subsidio ne'e sei fo'o dala ida deit ba estudante

ida dala ida wainhira hetan rekomendasaun husi Comité Avaliasaun Proposta Subsídios (CAPS) hodi elabora no hato'o parecer ba CA-FDCH haktuir Artigu 110 ponto 30 iha Diploma Ministerial no 11/2011, 13 de Abril. Kompozisaun ba CAPS husi Secretário Executivo do FDCH nebé prezidi, membros ma'ak Coordenadores iha Secretariado FDCH nian, hanesan: GAPPEFIV, GARHI, GASEPA, GAPLO no GAGESI.

Kritérius jerais atu avalia ba propostas subsidius individuais no subsidius finalistas, ma'ak hanesan tuir mai ne'e:

Proposta subsidius tenki dirije ba CA-FDCH ka Presidente CA-FDCH hodi esplika necessidades estudo no dificuldade financeira nebé estudante ida hasoru. Maibe bele mós dirije diretamente ba Secretário Executivo do FDCH wainhira iha delegasaun competências husi CA-FDCH ka Presidente do CA-FDCH ka Ministro tutelado;

Dokumentus nebé presiza atu anexa ma'ak:

a) Carta Pedido ka rekerimentu dirige ba Presidente CA-FDCH ka Secretário Executivo FDCH nian wainhira hetan delegasaun;

b) Detalhes tabela orsamentu ne'ebé kobre deit ba (laos selu ba item tomak): Propinas (dala ida deit), Materiais Didaktika, Kustu Pratika ka Peskiza Finalista no Teze;

- Karta komprovativu (Surat Pernyataan) sei aktivu iha escola ka hanesan estudante finalista;
- Notas ka valores escola nian ka transcript husi hahu escola to'o final (pelo menos notas semestre ida nian);
- Kopía Kartaun Estudantes (ID Card/ Kartu Mahasiswa);
- Kopía Kartaun Billete Identidade (iha proposta iha rai-laran) ka Kopía Passaporte ba iha estudante iha rai-liur;
- Kopía Konta Bankária ho número Swift Code/ IBAN no assina iha leten.
- Notas ka valores nebé hatama tenki atinji, pelu-menus:
- Valor notas em total 10 ba iha países/ nasaun CPLP;
- GPA ka total media ho 2,75 ba iha nasaun Inglêses;
- IPK ka total media pelu menus 3 ba Universidades Privadas no IPK 2,75 ba Universidades Públicos iha Indonésia.
- Ba estudante ida so bele hetan apoio subsidio dala ida deit. Ho razaun tamba FDCH tenki garante katak orsamentu sei disponível ba Timor-Oan hotu-hotu nebé mós iha direito hanesan.

Maibe se wainhira hetan rekomendasaun no aprovasaun diretamente husi CA-FDCH ka Presidente do CA-FDCH, pedido ne'e sei prosessa iha Secretariado FDCH ho rekizitus pagamentus nebé iha, inkluidu halo kontratu ba bolsa parsial nian, haktuir iha Diploma Ministerial no 09/2011, 13 de Abril, iha Ponto 3º, Artigu 110, nebé koalia:

"No caso de pedidos individuais de apoio por cidadãos Timorenses, compete ao Secretariado a coordenação da

selecção por mérito e submissão dos mesmós ao Conselho de Administração.”

Programa ne'e, bele mós aplika, wainhira iha parceria entre estado RDTL ho Instituisaun ruma nebé fornese Bolsas metade ka Inan-Aman sira ne' be selu rasik sira nian oan, tantu atu kobre Propinas ka Kustu de Vida ka orsamentu ruma nebé hetan konkordansia atu fahe ka partilha recurso entre Instituisaun 2 husi Estado RDTL ho parceiro ruma interna ka externa (rai-liur).

3.3.4.Tipu Formasaun Seluk (Outros Tipos de Formação) – (Kodígu Orsamentu 813)

Programa ne'e destinado atu fo'ó apoiu ba áreas especializadas hanesan Instituisoens Seguransa, Defeza no ba área justisa ka ba Ministério Públiku.

Bazeia ba Livru do Orsamentu no 6, hahu kedas husi tinan fiscal 2011, wainhira fundo ne'e hari'i, tinan-tinan Secretariado do FDCH elabora proposta konaba planu programas tomak nebe mai husi Linhas Ministeriais (LM) acreditadas ba fundo ne'e, no apresenta ba CA-FDCH hodi hetan aprovasaun ba planus hirak ne'e, hafoin encaminha ba Direção Geral das Finanças do Estado iha Ministério das Finanças hodi halo súmario no ajusta iha Livro no 6.

Hafoin, sumário nebé MdF kompila sei apresenta ba iha Comissão de Revisão do Orçamento Política (CROP) prezidida husi Primeiro Ministro da RDTL nudar Presidente do CROP.

Depois hetan tiha aprovasaun husi CROP, proposta orsamentu ne'e sei lori fali ba iha Conselho de Ministros

(CdM) hodi deskute final no lori ba iha Parlamento Nacional atu hetan mós aprovasaun, antes atu lori ba iha Presidente da República atu promulga.

3.4.Relasaun Parceria entre Secretariado FDCH, Liñas Ministeriais no Parceiro Sira Seluk.

Programas nebé finansiadu husi FDCH, maioria finansia planus no programas prioridades ba dezvoltimentu recursos individuos iha orgaun estado tomak iha RDTL, inkundu LM, Orgaun Autonomas, Centro Formasaun, membrus CCI (Câmara do Comercio e Industria) no Públiku Timor-Oan tomak nebé assessu orsamentu liu husi instituisaun do estado ida.

Setor privadu ka públiku Timor-Oan seidak permite atu iha ligasaun direta mai Secretariado FDCH atu iha verba rasik ka assessu rasik ba orsamentu no hakerek iha livru no 6.

Tanba ne'e, relasaun entre FDCH liu husi Secretariado FDCH nian ho orgaun estado no governu sira ma'ak sei halo parceria atu nune'e bele involve individu ka instiuisaun nebé deit hodi bele hola parte liu husi kontratu de parceria ruma hodi hetan apoiu orsamentu bazeia ba programa no prioridades mai husi LM sira no aprova dahuluk iha CA-FDCH.

"Sidadaun ida-idak ho nia planu ida ba moris, ho matadalan ne'ebe klaru no akonsellamentu adekuada kona-ba oportunidade ba edukasaun, formasaun no diferente opsaun profesional"
(Taur Matan Ruak, Discurso do 1º Ministro - Tomada de Posse 22 - 06 -2018)





Buletin FDCH Versaun Elektronika Bele Download iha: www.fdch.gov.tl

